

四庫全書

子部

欽定四庫全書

職官分紀卷十三

宋 孫逢吉 撰

三司

五代職官志後唐莊宗同光中勅鹽鐵度支戶部三司
凡關錢物並委租庸使管轄踵梁之舊制也

長興元年罷租庸使額分鹽鐵度支戶部為三司

國朝三司凡二十四案曰兵刑冑鐵商稅茶課鹽末鹽

設賞給錢帛發運百官斛斛糧料騎夏稅秋稅東上供
西上供修造竹木麴衣糧倉乾德五年度支判官侯陟
言其不均始令三部各分領八案焉咸平四年併夏秋
稅為一曰戶稅併東西上供併竹木歸修造倉案歸衣
糧大中祥符七年別置常平案其後重定鹽鐵八案以
判官三員分領曰兵刑冑鐵曰商稅茶曰課鹽木鹽設
度支八案以判官三員分領曰賞給錢帛曰發運斛斗
百官曰糧料常平騎戶部五案以判官三員分領曰兩

稅麴曰上供曰修造衣糧

淳化四年詔自今只置三司使一員判官六員推官三員三部勾院只置判勾一員判官一員其三部屬吏並仍舊貫三司使尺書案檢外處符牒並令判官推官通書頒行冬十月以左諫議大夫判三司魏羽為三司左計使戶部員外郎董儼為右諫議大夫三司右計使先是三司簿領堆積胥吏弛慢因而為奸居其任者不能發摘禁止至是用魏羽段惟一等議分天下為十道兩京為左右

計各置判官領之置三司使二員魏羽主其左董儼主其
右中分諸道以隸焉凡國用支費租調歲課以其簿上於
總計司而經度之閏十月以給事中陳恕為工部侍郎三
司總計使十一月辛未詔總計使陳恕判左右計事左右
計使分十道事合于論議計度並令恕等參預焉

咸平五年鹽鐵使王嗣宗言今三司奏事有可記者請
令判使一人撰錄送史館上曰三司務繁若日有著述
必妨公務可令逐季錄送

使

五代史後唐明宗長興元年以前許州節度使張延朗
行兵部尚書充三司使班在宣徽使之下三司有使額
自延朗始也唐制戶部度支以本司郎中侍郎判其事
而有鹽鐵轉運使天寶中楊慎矜王鉷楊國忠繼以聚
貨之術媚上受寵雖然皆守戶部度支本官帶使額亦
無所改作下及劉晏第五琦亦如舊制自後亦以宰臣
分判一司不置使額乾符後天下兵興隨處置租庸使

以主調發兵罷則停梁時乃置租庸使專領天下泉貨
莊宗中興東政者不開典故踵梁故事復置租庸使以
魏博故吏孔謙專使務斂怨于下斲喪王室者實租庸
之弊也明宗嗣位思革其弊未及下車乃詔削除使名
但命重臣一人判其事曰判三司至是張延朗自許州
入再掌國計白于樞密使請置三司使名宣下中書議
其事宰臣以舊制覆奏授延朗特進行工部尚書充諸
道鹽鐵轉運等使兼判戶部度支事從舊制也明宗不

從竟以三司使為名焉

國朝建隆元年以宣徽北院使李崇矩為右監門衛大將軍充三司使其後有權點檢權同判之名

太平興國八年分置三部使

淳化四年復置三司使一人十月置左右計使又置總計使判左右計事先是三司簿領堆積胥吏弛慢因而為奸不能發摘是後魏羽段惟一等議分天下郡縣為十道曰河東關西劔南淮南江南東道江南西道兩浙

廣南東京為左計西京為右計各置判官領之置左司使二員中分諸道以隸焉

五年詔罷諸道左右計使復置三司使

咸平六年復以寇準為兵部侍郎充三司使

天聖四年以祠部員外郎知制誥程琳權發遣三司使

公事

凡權發遣者暫攝其事也

慶厯三年以知永興軍葉清臣權三司使蓋官輕則為權使公事清臣再領三司云權使者中書誤也自此遂

令權使與權使公事為兩等

嘉祐元年七月制以武康節度使知相州韓琦除工部

尚書三司使

三司使需用舍人院制除今降麻宣制誤也

九月翰林學士歐陽修權發遣三司使公事

學士不輕而權發遣

者亦暫攝其

事不正也

筆談予嘗購得後唐閔帝應順元年案檢一通乃除宰

相劉昫兼判三司堂檢前有擬狀云具官劉昫右狀以

劉昫經國才高正君心切方屬體元之運實資謀始之

欽定四庫全書

卷十三

規宜注宸衷委司邦計漸期富庶永贊聖明臣等商量望授依前中書侍郎兼吏部尚書同中書門下平章事集賢殿大學士兼判三司散官勲封如故未審可否如蒙允許望付翰林降制處分謹錄奏聞其後有制書曰宰臣劉昫可兼判三司公事宜令中書門下依此施行付中書門下准此四月十日用御前新鑄之印與今政府行遣稍異本朝要事對稟常事擬進入畫可然後施行謂之熟狀事速不及待報則先行下具制草奏知謂

之進草熟狀白紙書宰相押字他執政具姓名進草即黃紙書宰相執政皆于狀背押字堂檢宰相執皆不押唯宰相屬于檢背書曰堂吏書名用印此擬狀有詞宰相押檢不印此其為異也大率唐人風俗自朝廷下至郡縣決事皆有詞謂之判則書判科是也押檢二人乃馮道

案目錄三司使後當有副使鹽鐵使副使度支使副使三門此本皆佚去下文自升始也一條又脫去標目越次而授一條乃度支副使門內事蓋抄

錄者有脫去頁數今無可考補姑仍之

自升始也承廷齡之後以

越次而授

國朝至道元年以殿中丞樂崇吉為

寬簡代煩虐人甚稱之

欽定四庫全書

卷十三

度支員外郎度支副使崇吉以吏部令史稍遲至
中書堂後官明習文法清白勤事故越次而授焉

戶部使 副使

六典漢成帝置尚書五人其三曰民曹主吏人上書事
後漢以民曹兼主繕修功作魏置左民尚書晉初省之
太康中又置惠帝時有左民尚書東晉及宋齊並置梁
陳置左戶尚書並掌戶籍兼知工官之事後魏北齊有
度支尚書亦左民左戶之任也後周依周官置地官大
司徒卿隋初曰度支尚書開皇三年改為民部皇朝因

之貞觀二十三年改戶部顯慶元年改為度支龍朔二年改司元太常伯咸亨元年復戶部光宅改地官尚書神龍元年復故

唐至德以後鹽鐵始置使而戶部度支本司郎中侍郎判其事後度支復置使而戶部職事度支兼之或以本

司官判度支版使

唐韋澳中宗朝為京尹節操清正為時主表宣皇甚器重之因次對面許

判戶部韋公堅辭以不晚錢穀獲免歸謂甥姪曰已讓版使矣衆曰時論三司中戶部最清何為多讓也公曰事不由宰相必謂我由徑而得誰能家至戶到分辨哉

節操清正為時主表

上

三司中戶部最清

上

判官

國朝開寶四年殿中侍御史劉汝礪分判度支公事五年以殿中侍御史分判度支齊明為度支員外郎充度支判官

淳化四年詔三司只置判官六員推官三員其三部屬吏並依舊三司使止書案檢外處符牒並令判官推官通書頒行十月置左右計司為十道判官

五年置總計司判官十二月勅司令三司判官主判官推官等見判使並同南省郎中員外郎見尚書丞郎之儀凡有公事並須取稟判使商量不得專輒聞奏其月罷左右計使復置三部使每部置判官推官共四員各領兩案公事

咸平六年八月詔度支戶部二案公事繁簡不均宜令三司使酌其閒劇命判官六員分掌之

治平元年以尚書都官員外郎三司修造案勾當公事

欽定四庫全書

刑官分則
卷十三

張徽權發遣三司戶部判官公事尚書都官員外郎知
開封東明縣皮公弼權發遣三司度支判官公事特用
資淺人欲久其任而責效也

三司之職廢久矣由官以
次遷而任用不久也凡大

官不利盈虛出入雖能者居之未及究其本末而已用
次遷他職矣故相習以養資假途為說而不事其職時
議患之至是中書奏請擇其尤繁要者五員用資淺人
久任其餘以待諸路轉運使提點刑獄為出入之須于
是以鹽鐵稅案度支錢粟案度支發遣案戶部修造案
及開拆司選初任通判一年以上人權發遣候及二周
年令再任與理知州資序兩任通判及六周年且令依
舊與理初任提刑資序三任通判及七周年與理第二
任提刑資序出外如差第三任通判一年以上人權發
遣候及三周年令再任與理初任提刑資序兩任通判

及六周年且令依舊與理第二任提刑資序二任通判及九周年與三司判官願出外者與轉運副使故有是命

四年八月詔三司久任權發遣官五員許于知州人內通選如已經知州人候到任及二年即令再任與理提刑資序

參預邦計

國朝乾德三年詔三司鹽鐵度支戶部判官等乃以參預邦計莫不慎選時才若不考課

定其黜陟則于

慎選時才

上

豫買紬絹

東齊記事太宗時馬元方為三

功過無以昭明

司判官建言方春民乏絕時豫給庫錢貸之夏秋令輸絹于官預買紬絹蓋始于此

推官巡官

國朝初承舊制三司每部置判官一員至乾德四年詔各增置推官一員總斷逐司公事仍別給印

太平興國三年以磁州軍事判官張仲容為右贊善大夫戶部稅案推官大名府夏津縣令朱澤為右贊善大夫充胄案推官懷州軍事推官鄭居中為將作監丞充麴案巡官邢州司寇參軍王式為將作監丞充末鹽案巡官先是三部所掌凡二十四案吏千餘人太宗屢使

督察有所不及而商稅胄麴末鹽最為繁劇故擢仲容等分領之

推勘官

國朝治平三年罷三司推勘官初三司舉京朝官一人專領推勘事至是三司奏以為不便罷之然議者不以罷之為便

熙寧二年九月復置管勾推勘官一員仍舉京朝官或幕職州縣官充

勾當公事官

國朝康定元年詔三司舉係通判資序朝臣二人充三司勾當公事治平二年八月以尚書比部員外郎王荀龍屯田員外郎周革並勾當三司修造案

是職自來一員至是以兩

水壞軍營官

舍特增一員

三年六月罷管勾三司使廳簿籍尋罷

熙寧二年九月復置管勾官一員

勾院

國朝初三部各有勾院止本部判官主之至開寶五年以鹽鐵戶部勾院為一院度支勾院為一院太平興國五年合三勾院為一雍熙三年復分三部勾院淳化三年復為都勾院五年復分置先是分三司左右計各置判勾一員又以一員檢判之至是罷左右計復分置焉至道二年復併三勾院為一三年復分為三咸平六年陳堯咨上言三部勾院可合為一仍願就領其職因命之大中祥符九年分勾院為三時議以三部勾院並為

一司實為繁劇雖重官為之徒益事勢於勾稽則愈疎矣至是復分為三選才力幹敏者為之

募商入粟以易鹽

國朝李士衡判三司勾院時度支使梁鼎奏借民力轉粟塞下而轉鹽于

邊官自鬻之歲得鹽鐵三十萬士衡以為民力困請依舊募商入粟以易鹽真宗是其言

都磨勘司

主轄收支司拘收司附

國朝開寶七年以司農丞桑瑁為左拾遺兼點檢三司磨勘司端拱二年詔置三司都磨勘司

至道中又置提點三司公事尋廢其帳籍並歸都磨勘

司淳化三年置主轄收支司咸平四年置拘收司並以判都磨勘司官領之

理欠司

勾簿司附

國朝雍熙二年詔三部各置理欠司舊曰徵欠司乾興元年改為蠲納司天聖三年復改今名

咸平元年又置勾簿司景德四年廢

憑由司

國朝雍熙四年以鹽鐵推官胡惟一度支推官朱賦戶

部推官崔維翰分判本部憑由司太宗以天下倉場庫務中發錢草其數浩大故惟一等專主之不簽書本職公事

淳化二年合三司憑由司為一

至道二年併都憑由司歸理欠司

開拆司

國朝三部舊名有開拆司止本部判官兼領開寶五年以鹽鐵戶部開拆司為一度支開拆司為一太平興國

三年別置推官一員領之雍正四年以三司開拆司推官右拾遺直史館韓國華判三司開拆司至道三年復加一員主判咸平元年省一員遂為定制又有勾鑒司行文帳生事催驅司催促未了文帳生事發放三司諸案牒帖受事司受諸處送到罪人衙司掌軍大將差遣並開拆司主判官兼領內衙司仍以諸司使或內臣一員同勾當淳化二年又有帳籍司四年並歸開拆司兼領

河渠司

國朝皇祐三年三司請置河渠一司專提舉黃汴等河堤功料事九月詔三司河渠司汴河每年一開濬之至和二年以殿中丞李仲昌都大提舉河渠司

以仲昌知水利官特

任之

嘉祐三年詔置都水監罷三司河渠司

提舉帳勾磨勘司

國朝熙寧五年右正言知制誥直學士院看詳中書條

例曾布言伏以四方財賦其為名物豈可勝計凡給納
斂散盈耗多寡非有簿書文籍以勾考之則乾沒差繆
漫不可知故內自府庫外至州縣歲會月計以上於三
司紙札之須賄賂之賚遠近之人以為勞敝三司雖有
審覆之名而三部胥吏所行職事非一不得專意於其
間近歲以來因循不復省閱其為弊亦已甚矣臣比被
旨置司盡取三司所管帳籍刪去繁冗具為法式以施
之天下然勾考之法如故則亦但為空文臣欲乞于三

司選人吏二百人專置一司委以驅磨天下帳籍以至三部勾院亦皆選置官吏責以審覆其人吏各優給請受課以功限立定賞罰仍自朝廷選差強幹臣寮專切提舉所合措置條約乞下詳定帳籍所詳具以聞詔付詳定帳籍所六年八月中書門下言新差提舉帳勾司院磨勘司李承之請降申陳事件詔行遣以提舉帳勾磨勘司為名九年十一月詔減罷令提舉在京諸司庫務司兼提舉

三部諸司屬吏

國朝景德元年九月宮苑使劉承珪等言奉詔與三司使同選閱三部及諸司節給前後并裁定合留人數三部并諸司定留八百九十七人

鹽鐵百五十六人 度支百八十二人

戶部二百一十七人 三勾院百人

都磨勘司三十四人 都主轄支收司二十三人

拘收司四十人 都憑由司四十九人

都理欠司四十六人

開折司五十人

先是真宗以計司吏人能否雜混令承珪與本司使副同加試驗頗有書計非精或嘗負罪犯帝念其祇役歲久量其事狀並補三班及借職焉

仁宗時有三司鹽鐵都勾押官段正鹽鐵商稅案前行陳祚商稅案後行王文禧等奏天下商稅併增併虧各五周年者並取一年高者為額從之嘗謂三司使副曰財穀之事此輩雖是胥吏却知本末苟有所長亦須採

用不可以其賤吏而不聽其言上之寬仁納言如此

孔目院都監

國朝太平興國

原缺八字

鹽鐵孔目院都監周證為度支孔

目院都監李秘為戶部孔目院都監列在推官之下

淳化五年分三部都監簽書本部諸案公事立在判官之下推官之上

咸平五年詔三司都監宜差內品二人勾當

孔目官

國朝開寶七年以光祿寺丞崔宏充鹽鐵孔目官太僕寺丞徐元充度支孔目官少府監丞張玘充戶部孔目官至道元年上召三司孔目吏李溥等對崇政殿問以計中書使押送中書限五日委令條奏上謂宰臣曰李溥等各令陳所見頗有所長朕嘗謂陳恕等曰文章德古此盛事也

案文章德古句疑有誤

職官分紀卷十三

欽定四庫全書

子部

職官分紀卷十四

詳校官中書臣沈鳳輝

侍讀臣孫球覆勘

總校官編修臣王燕緒

校對官編修臣曹錫齡

謄錄監生臣吳濬

欽定四庫全書

職官分紀卷十四

宋 孫逢吉 撰

御史臺

案此門之首
原缺三行

漢官解詁注云西京謂為御史府亦謂御史原缺京謂

之御史臺亦謂之蘭臺寺而應劭原缺按原缺上御史臺此

則當是廷尉呼為御史臺非原缺名也

四字

隋百官志梁國初建御史臺置大夫天監元年復曰中

丞置一人屬官治書侍御史二人侍御史九人殿中御史四人又有符節令史員北齊御史臺掌察糾彈劾中丞一人治書御史二人御史八人殿中侍御史檢校御史各十二人錄事四人領符節署令一人符璽郎中四人後周以為司憲府隋高祖置御史臺大夫一人治書侍御史二人侍御史八人殿中侍御史監察御史各十二人錄事二人後魏延昌中王顯有寵於宣武為御史中尉請革選御史此後踵其事每一中尉則更置御史

自開皇以後始自吏部選用仍依舊入直禁中煬帝增置謁者司隸二臺并御史為三臺開皇中御史直宿禁中至是罷其制又置主簿錄事員各二人

唐職官志御史臺

秦漢曰御史府後漢改曰憲臺魏晉宋改曰蘭臺梁陳北朝咸曰御史臺

武德因之龍朔二年改憲臺咸亨復光宅元年分臺為左右號左右肅政臺左臺專知京百司右臺按察諸州神龍復為左右御史臺延和中廢右臺光天二年復十月又廢大夫一員中丞二人侍

御史四人主簿一人錄事二人主事二人令史十七人書令史二十三人殿中侍御史六員令史八人書令史

十八人監察御史十員殿中監一員少監三員丞二人主事二人令史四人書令史十二人亭長掌固各八人

唐百官志御史臺大夫一人中丞二人侍御史六人殿

中侍御史九人監察御史十五人

光宅元年分左臺右臺左臺專知百司監

軍旅右臺察州縣省風俗尋命左臺兼察州縣兩臺歲再發使八人春日風俗秋曰廉察兩臺御史有假有檢校有員外有試神龍初皆廢景雲四年以兩臺望齊糾舉苛察百僚厭其煩乃廢右臺延和元年復置歲中以尚書省隸左臺月餘而左臺復廢至德後諸道使府參佐皆以御史為之謂之外臺復有檢校裏行內供奉或兼或攝諸使下官亦如之會昌初升大夫中丞品東都留臺有中丞一人侍御史一人殿中侍御史二人監察

御史三人元和後不置中丞以侍御史殿中御史監察御史主留臺務而三院御史亦不常備

通典舊例御史臺不受訴訟有通辭狀者即於臺門候御史御史徑往門外收探知可彈者略其姓名皆云風聞訪知永徽中崔義玄為大夫始定受事御史人知一日劾狀題告人姓名

國朝治平元年閏五月詔御史臺閣門十日一具文武細書班簿以進自今大書為冊月上之

周歷三臺

後漢蔡邕以侍御史轉治書侍御史遷尚書三日之間周歷三臺

三臺

謝靈運晉

臺高書為中臺御史為憲其門北開北齊楊撈伽鄴都臺謁者為外臺是謂三臺

北齊楊撈伽鄴都臺謁者為外臺是謂三臺

宮門西南其門北開取冬殺之義斯事久矣今東都臺門所以不止何者蓋欲變古之制或建造者不習故事

耳龍朔中改司經局為柱房為東宮之憲府亦開北門以象御史臺其例明矣或云隋初移長安城造御史臺

時以兵部尚書李員通檢校御史大大欲於尚書省近故開北門非也籠架北省控制南

司北魏崔暹為中尉尚書後牒索御史監選不與及暹為僕射還索御史宋苻道判云崔僕射昔在憲司籠架

北省今居禮閣控制南司遂不與

大夫

前漢百官表御史大夫秦官

應劭曰侍御史之率故稱大夫云臣瓚曰茂陵書御

史大夫秩位上卿銀印青綬掌副丞相有兩丞秩千石

一曰中丞亦謂中丞為御史中執法中丞在殿中蘭臺掌圖籍秘書外督部刺史內領侍御史十五員受公卿奏事舉劾按章成帝綏和元年更名大司空金印紫綬祿比丞相置長史如中丞官職如故哀帝建平二年復為御史大夫元壽二年復為大司空

後漢百官志御史中丞一人千石本注曰御史大夫之丞也舊制監御史在殿中密舉非法及御史大夫轉為

司空因別留中為御史臺率

魏志建安置御史大夫不領中丞置長史一人

隋百官志秦置御史大夫以貳於相光武中興丞相與御史俱為三公梁御史臺置大夫隋煬帝降大夫階為正四品

唐職官志御史臺大夫一員

正三品秦漢之制御史大夫副丞相為三公之官魏

晉之後多不置大夫以中丞為臺主隋魏中復大夫降為正四品武德令改從三品龍朔改為大司憲咸亨復為大夫光宅中分為左右臺大夫及廢右臺去左右字本從三品會昌二年十二月勅大夫秦為正御史漢為副

相漢末改為大司空與丞相俱為三公掌邦國刑憲肅
正朝廷其任既重品秩宜峻准六尚書例升為正三品
著之
於令

唐百官志御史臺大夫一員正三品掌以刑法典章糾
正百官之罪惡中丞為之貳其屬有三院一曰臺院侍
御史隸焉二曰殿院殿中侍御史隸焉三曰察院監察
御史隸焉凡天下之人有稱寃而無告者與三司詰之
三司謂御史大夫中書門下也大事奏裁小事專達凡
有彈劾御史以白大夫大事以方幅小事署名而已有

制覆囚則與刑部尚書平關行幸乘輅車馬為導朝會
則率其屬正百官之班序遲明列於兩觀監察御史二
人押班侍御史專舉不如法者文武官職九品以上及
二王後朝朔望文官五品以上及兩省供奉官監察御
史貲外太常博士日參號常參官武官三品以上三日
一朝號九參官五品以上及衝當番者五日一朝號六
參官弘文崇文館國子監學生四時參凡諸生入朝及
以恩追至者日參九品以上自十月至二月袴褶以朝

五品以上有珂蕃官及四品非清官則否凡朝位以官
職事同者先爵爵同以齒致仕官居上職事與散官勲
官合班則文散官居職事之下武散官次之勲官又次
之官同者異姓為後親王嗣王任文武官者從其班官
卑者從王品郡王任三品以下職事者居同階品之上
非任文武官者嗣王居太子太保之下郡王次之國公
居三品之下郡公居從三品之下縣公居四品之下侯
居從四品之下伯居五品之下子居從五品之上男居

從五品之下以前官名見者居本品見任之上以理解者居同品之下本司參集者以職事為上下文武三品非職事官者朝參名簿皆稱曰諸公凡出不踰四面關則不辭見都督刺史都護既辭候旨於側門左右僕射侍中中書令初拜以表讓中書門下三品以上及諸司長官謝於正衙復進狀謝於側門兩班三品以朔望朝就食廊下殿中侍御史二人為使泣之

六典御史大夫一人從三品

後周北齊並不置大夫而以中丞為臺主隋諱中依

秦漢置御史大夫從三品

大夫之職掌邦國刑憲典章之政令以肅正朝列中丞為之貳凡天下之人有稱寃而無告者與三司詰之

五代百官志御史大夫從三品會昌六年升為正三品九國志吳世家武善元年改御史大夫為御史大憲

國朝官品令御史大夫正二品

上誠知人

前漢倪寬為御史大夫初梁相褚大通五經為博士時寬為弟子及御史大夫缺徵諸大

自以得御史大夫至洛陽聞寬為之諸大叅及至與寬議封禪於上前大不能及退而服曰上誠知人寬為御

史大夫以稱意任職諫御樓船薛廣德為御史大夫直
故久無所用諫於上諫諍上耐祭宗廟出
便門欲御樓船廣德當乘輿免冠諫曰宜從橋陛下不
聽臣言臣自刎以血汚車輪上不說張猛曰臣聞主聖
臣直御史大夫言可聽上曰弄印昌為趙王相上持御
曉人不當如是耶乃從橋

奏事曰肝忘食張

史大夫印弄之曰誰可為御史大夫

者孰視趙堯曰無以易免遂拜之

為御史大夫每朝奏曰肝天

黑白分明

薛宣以明習文

子忘食丞相但充位而已
丞是時成帝初即位宣為中丞執法殿中
教言政事舉奏部刺史郡國二千石所
分明由是知名出為臨淮陳留二太守
少府月餘御史大夫子永卒谷永上疏
承本朝之風化外佐丞相統理天下
所能堪今當選於羣卿以充其闕竊見
少府薛宣才茂

行潔達於從政前為御史中丞執憲轂下不吐剛茹柔臣是用越職陳宣行能唯陛下留神考察上然之遂以

宣為大夫內承風化佐統理才茂行潔達於政並官府不敢

當舊位

杜延年字幼公周之子亦明法律為御史大夫居父官府不敢當舊位坐卧皆易其處論議

無所拂

于定國為丞相陳萬年為御史大夫與定國並位八年論議無所拂後貢禹代為御史大夫數

駁議定國明習政事率丞相議可

長者

張歐為御史大夫歐為吏未嘗言按人專以誠長者處官官屬

以為長者亦不敢大欺上具獄事有可却却之不可不得已為涕泣面而封之其愛人也如此

燕入奏

事

周昌為御史大夫嘗燕入奏事高帝方擁戚姬昌還走高帝逐得昌騎項問曰我何如主也昌曰陛下即

桀紂主也於是上笑之然尤憚昌

不好立名

直不疑為御史大夫惟恐人之知其為吏迹不好立

名亦為

布被

汲黯謂上曰公孫弘位在三公俸祿甚多然為布被此詐也上問弘弘謂曰有之夫

九卿與臣善者無過黯然今日廷詰弘誠中弘之病夫以三公為布被者飾詐欲以釣名今臣弘位為御史大

夫為布被自九卿以下至於小吏無差誠如黯言且無黯陛下安聞此言上以為有讓益賢之朝夕為

朱博為御史大夫府百餘區井水俱竭又其府中列柏樹常野鳥數千棲宿其上晨去暮來號曰朝夕為後去

不來者數月長老異之注云史言此者著御史大夫之職當廢也

名諸尚書問事

哀帝以趙

元為御史大夫

質直

貢禹為御史大夫列於三公自禹在位數言得失書數十上天子下

其議雖未盡從

宰相之副

貢禹為大夫而華陰守丞嘉然喜其質直焉

名嘉上封事言治道在於得賢御史官宰相之副九卿之右不可不選平陵朱雲兼資文武中正有知略可使

以百官石秩試皆御史大夫以盡其能

為三長史所諧

張湯為御史大夫為三長史朱買臣

等所諧帝使趙禹責湯禹至鎮湯曰今人言君皆有狀天子重致君獄欲令君自為計何多對為湯乃上言謝曰諧臣者三長史也帝追惜湯於是悉誅三長史

為百寮率

京帝建平五年朱博奏請罷大司空

以御史大夫為百寮率從之

請削諸侯之地

晁錯遷御史大夫請諸侯之罪過削其地奏上

上令公卿列寮宗室集議莫敢難錯獨實嬰爭之由此與嬰有隙

去副封以防壅蔽

漢雜

記故事上書為二封其一曰副領尚書省者先發之有不善屏去不奏及魏相為御史大夫奏去副封以防壅蔽

刀筆之吏臣執之

漢武帝集武帝作栢梁臺詔羣臣二千石有能為七言詩者乃得上座御

史曰刀筆之吏臣執之

競為官政

唐貞觀中李乾祐為御史大夫別置臺獄有所鞠訊使輒繫之

由是自中丞侍御史以下各自禁入牢扉常滿開元中崔隱甫為御史大夫引故事奏以為不便逮掘去之帝謂曰卿為御史海內咸云稱職甚副朕之所委又憲司故事大夫以下監察御史競為官政略無承東隱甫一切督責事無大小悉令諮決稍有忤意者羣察側目上便列上其罪前後貶出殆半羣察側目

臺中無長官

御史大夫李承嘉常名諸御史責之曰近日御史彈事不詰大夫禮乎眾不敢對監

察御史蕭正忠進曰故事臺中無長官御史人君耳目比肩事主得自彈事不相關白若先白大夫而許則彈大夫不知白誰也承嘉默然

朝彈暮黜

薛諫光拜御史大夫時僧惠範恃太平公主權勢逼奪百

姓店肆州縣不能理諫光特加彈奏或請寢之諫清勤

嚴猛李懷光為朔方軍都虞侯兼御史大夫性清獨朕勤嚴猛而敢誅殺雖親戚犯法皆不撓避

意耳

韋挺拜御史大夫太宗嘗謂挺曰卿之任御史大夫獨朕意耳左右大臣無為卿者卿勉之哉挺謝

曰臣驚下不足以辱陛下高位且臣非勲舊而超處藩邸故寮之上臣願後之以勸立功者太宗不許嘗

大夫糞

御史大夫魏元忠卧疾諸御史盡省之郭霸獨居後請視元忠便液以驗疾之輕重元忠驚悚

霸曰大夫糞味甘或不瘳今味苦當即見侍御史坐不愈矣元忠剛直殊惡之以其事露朝士

起韋挺為御史大夫見侍御史坐不起時馬周為監察起韋恃性使氣略於知人馬以才幹特達志於善事宰

猶作常人相處及韋為太常卿馬累遷中書舍人太宗嘗欲復用韋在門下馬密陳其傲狠非宰相器遂寢十

九年征遼擇人運糧馬云韋馮几不起韋緣為御史大挺中虜使上然之竟以此敗馮几不起夫自以宿望兼

重備歷臺職每中丞以下拜謁韋馮几不起耳目官固在塗致禮魯不降乘而察屬亦無以間焉

當特立

韋思謙進御史大夫性審諤顏色莊重不可犯見王公未嘗屈禮或以為譏答曰耳目官固當

特立鵬鶚鷹鸛豈衆禽

兄弟並拜肅宗幸靈武李峴應

之偶奈何屈以抑之

兄弟並拜肅宗幸靈武李峴應

守既叔京師拜戶部尚書中京兆尹兼御史大夫時峴兄烜為武部侍郎成都尹兼御史大夫乾元初玄宗還

京自蜀至又兼御史大夫兄弟俱判臺事自國初以來兄弟並拜大夫未見其比時長安士庶皆美之以

名望召拜中外聳聽

李光素徵拜御史大夫自貞元中位缺久難其人至是光素以名望

拜中外聳聽及居位亦無修舉但規求作相久之寢不得志見客必曰無以某官散疎也見屬官必先拜脂韋

在列大上書言不可使外戚強盛李景讓為御史大夫失人望

鄭光卒詔罷朝三日景讓上書言不可使外戚強盛乃罷朝兩日

辟車要秩專席雄班

中宗授楊再思檢校左臺大夫曰辟車
要秩非德靡升專席雄班惟賢是屬
烏臺峻秩蒼佩

崇班

蘇珣授右臺大夫制曰烏臺峻秩望摠銑冠蒼佩
崇班威高石室誠副相之榮級實資卿之通任前

岐州蘇珣詞吞楚澤量湛黃陂既光大厦之才堪入巨
川之用西京展驥道掩題興右輔憑熊風超露冕朱帷
霧散初停州縣之勞白迭為宰相通典漢御史大夫副
簡霜凝直屏權豪之氣迭為宰相丞相事若今日之同
平章及參知機務之類所以漢書云薛貢韋匡迭為宰
相薛宣韋賢匡衡皆至丞相而貢禹但為御史大夫

中丞

前漢百官表

見御史大夫門

後漢百官志御史中丞一人千石本注曰御史大夫之

丞也

周禮掌建邦之官刑以主治王官之政令于實注曰若御史中丞漢儀曰丞相二千石為之或選侍

御史高第執憲中司朝會獨坐內掌蘭臺督諸州刺史糾察百察出為二千石

漢官典職御史中丞三人故二千石為之朝會獨坐掌

蘭臺諸州刺史糾察百察

韋昭辨釋名釋云御史中丞居中丞相者也辨云此中丞自御史中丞有二其人別居殿中舉不法故曰中丞漢舊儀御史中丞督司隸司隸督司直司直督刺史刺史督二千石以下

漢官解詁注建武以來省御史

原缺八字

蘭臺十有五人特

置中丞一人

原缺十字

次尚書環濟要略御史中丞一人

有石室以藏秘書圖讖之屬以其居殿中故曰中丞

晉職官志御史中丞本秦官也秦時御史有二丞其一

御史丞其一為中丞中丞外督部刺史內領侍御史受

公卿奏事舉劾按章漢因之及成帝綏和元年更名御

史大夫為大司空置長史而中丞官職如故哀帝建平

二年復為御史大夫元壽二年又為大司空而中丞出

外為御史臺主歷東京至晉因其制以中丞為臺主
宋百官志漢東京御史中丞遇尚書丞郎則中丞止車
執板揖而丞郎坐車舉手禮之而已不知此制時省中
丞每月二十五日繞行宮垣白壁史臣按漢志執金吾
每月三繞行宮城疑是省金吾以此事併中丞中丞秩
二千石

南齊百官志御史中丞一人晉江左中丞司隸分督百
僚傅咸所云行馬內外是也令中丞則職無所不察專

道而行騶輻禁呵加以聲色武將相逢輒致侵犯若有
鹵簿至相歐擊宋孝建二年制中丞與尚書令分道雖
丞郎下朝相值亦得斷之餘內外衆官皆受停駐

隋百官志梁國初建御史臺置大夫天監元年復曰中
丞置一人掌督司百僚皇太子以下其在宮門行馬內
違法者皆糾彈之雖在行馬外而監司不糾亦得糾之
專道而行逢尚書丞郎亦得停駐其尚書令僕御史中
丞各給威儀十人其八人武冠絳鞬執壽儀囊在前題

云宜官告以受辭訴一人緹衣執鞭杖依列行七人唱呼入殿引噍至階一人執儀囊不噍

後齊中丞一人

唐職官志御史臺中丞二員

正四品下漢御史臺有二丞掌殿中秘書謂之丞漢

末改為御史長史後漢復為中丞後魏改為中尉宮正北齊復曰中丞後周曰司憲中大夫隋諱中改為治書御史為從五品武德因之貞觀末避高宗名改為中丞置二員龍朔改為司憲大夫咸亨復為中丞本正五品上會昌三年十二月勅中丞為大夫秩崇官不常置中丞為憲臺長令九寺少卿考諸州國子司業京兆少尹并府寺省監之貳皆為五品下唯中丞官重品秩未崇可升為四品下與丞郎出入選用著之令

唐百官志御史臺中丞二人正四品下大夫掌以刑法

典章糾正百官之罪惡中丞為之貳

餘見大夫門

六典中丞二人正五品上

晉宋齊梁陳並以中丞為臺主品第四梁制十八班中丞

班第十一後魏改中尉正三品太祖中為從三品北齊復曰中丞正三品後周秋官置司憲中大夫二人掌丞司冠之法以左右刑法孟比御史中丞之職也隋省中丞官置御史大夫為臺主以治書侍御史二人代中丞之任歷代品秩並同惟北齊為從五品隋因之大業六年加至正五品八年又為從五品皇朝因之自後漢以來御史中丞皆一人皇朝因之

五代史百官志會昌二年御史中丞正五品亦與大夫

同特升為正品晉天福五年二月以御史中丞為清選
正四品按唐典御史中丞五品上今始升之

國朝咸平五年三月癸卯以右諫議大夫宋太初權管
勾御史臺事甲辰御史臺上言右諫議大夫王化基先
權中丞正衙常參立中丞塲位內殿起居日立本官班
今宋太初以右諫議大夫權臺事請定立班制詔如王
化基例

官品令御史中丞正三品

徵文深詆

史記臧宜為御史中丞幾二十年執法殿中以徵文深詆殺者甚衆稱為敢決

漢書陳咸為中丞總領州郡奏事課第百察震慄
東觀漢記

樊準字幼陵為中丞三獨坐
宣秉建武元年拜御史中舉正非法百察震慄

書令會同並專席而坐執憲奉法多所糾正
謝承後漢書坐京師號曰三獨坐

中丞執法奉憲多所糾正百察所敬
奉法按舉無迴避
續漢書馬嚴拜御史中丞賜冠幘衣服

車馬嚴舉劾按掌申明舊典
百察嚴憚
魏志黃初四年奉法按舉無所迴避百察憚之

射司馬宣王並舉絕勳為宮正即御史中丞也帝不得已而用之百察嚴憚因不肅然勳以宮正忤上旨左遷

持書入為中丞
魏畧牛允字士宗世為官族
得直司之
執法入為中丞
出為郡守入為御史中丞

體魏鄭鮮之遷御史中丞明憲直繩甚得直司之體外

王劉毅權重當時朝廷莫不歸附鮮之盡心高祖特

不屈意於毅立朝正色宋荀伯子為中丞蒞職勤修有

毅甚恨焉凡所奏劾莫不深相呵毀或延祖稱其不阿權戚開為

言切直又頗雜嘲戲故士人以此非之中丞百察畏憚之八年入為侍中其年詔曰惠開前憲

司奉法直繩不阿權戚朕甚嘉之可更授御史中丞

執法中司傅賢拜御史中丞執與洛陽令分路魏氏春

事御史中丞與洛陽令相遇則分路而行以土主多逐捕不欲稽留也正繩直筆晉周處

為中丞奏征虜將軍石崇大將軍真可畏宗室敬王司

梁王彤等正繩直筆權豪聚肅為御史中丞值海西公廢太宗即位未解嚴大司馬桓

溫屯中當夜吹警角恬奏劾溫大不敬請科罪明日溫

見奏事歎曰此兒乃明法直繩內外震肅傅宣為御史中丞明法直繩內

外震肅甚忠亮至勁可謂王臣熊達字孝文遷御史中丞中宗每歎其公忠謂

達曰卿在朝正色不茹柔吐剛忠亮至勁可謂王臣奏免尚書僕射十餘人劉暉

丞奏免尚書僕射等十請免刁協官晉中興熊達遷御史中丞尚書郎廬

餘人朝廷嘉之遂以即真請免刁協官史中丞尚書郎廬

當直不肯回協令威儀牽絀隨馬至協車前而後釋達

奏上請免協官百官避路江左拜御史中丞不得役入

詔令白水領職百官避路尚書省中丞南簿至百官避

路隘浮排擠溝中但得兩簿白簡南史沈約為御史中

者雖皆清道而中丞尤嚴白簡丞彈奏王源文云源

官品應黃紙輒奉白簡以聞又任昉為青箱王準之自

中丞彈曹景宗文亦云謹奉白簡以聞青箱曹祖彪之

職官分紀

去

傳聞多練悉朝儀自家世相傳正譜江左舊事緘之青
箱世謂之王氏青箱學御史中丞為百寮所憚自彪之
至準之四世居此職上朝士畏其筆端劉瑀恃性使
世居此職四世居此職上朝士畏其筆端劉瑀恃性使
史中丞甚得志彈蕭惠開云非才非望非勲非德彈
王僧達云蔭籍高華人品沈末朝士莫不畏其筆端南
司梁陸果為御史中丞性鯁直無所顧望時山陰令虞
眉在任賦污百萬果奏收劾之中書舍人黃睦之以
眉事託果果不答梁武帝聞之以問果果曰有之帝曰
識睦之否答曰不識其人睦之在御側上指示曰此人
是也果謂曰君小人何敢奏劾尚書令宋孔琳之為御
以罪人屬南司睦之失色奏劾尚書令史中丞明憲直
法無所屈抗劾尚書令徐美之虧違典憲時美之領揚
州刺史琳之弟璩之為治中使璩之解釋於琳之使寢
其事琳之不許曰觸忤宰相正當罪止一身汝必不
應從坐何須勸我耶自是百寮震肅莫敢觸禁

百

察震肅上

近世獨步

江淹為御史中丞明帝作相謂淹曰君昔在尚書非公事不妄行今

為南司足以震肅百寮也淹於是中書令謝朓等及二千石大縣官長多被奏劾內外肅然明帝謂曰自宋以來

不復有嚴明中丞君

服章嚴肅若不可犯

梁徐陵為御史中丞

時安成王頊為司空以帝弟之尊權傾朝野直兵鮑僧叡假王威風抑塞詞訟大臣莫敢言陵乃奏彈之文帝

見陵服章嚴肅若不可犯為斂容正坐陵進讀奏狀時安成王頊殿上侍立仰視文帝流涕失色陵遣殿中郎

引王下殿自簪裾幅湊號龍門之遊

任昉為御史中丞簪裾幅湊預其讌

者殷芸到既劉孺劉顯劉孝綽陸倕而已

清憲

沈約辭號曰龍門之游雖貴公子孫不得預也

云竊服清憲

公平無所阿附

徐儉陵子有志操為御史中丞儉公平無所阿附尚

書令江總望重一時為四葉居職王準之為御史中丞
儉所劾後主深委任焉為百寮所憚準之及

父納之並為中丞自彪之至準之四葉居此職準之常
作五言詩范泰嘲之曰卿惟解彈事耳準之正色答曰

猶差卿世以廉介賜田五頃始王悅之字少明宋明帝泰
戴雄狐

上以其廉介賜良白衣領職南齊陸澄為御史中丞齊
田五頃以為侍中白衣領職建元二年驃騎沈憲等家

奴客為劫子弟被劫憲等晏然左丞任遐奏澄不糾請
免澄官澄上表自理言舊例無左丞糾中丞之義詔外

詳議尚書令褚彥回檢宋以來左丞糾正而中丞不糾
免官者甚衆奏澄謏聞庸見貽撓俊昆上掩皇明下聳

朝儀請以見事免所居烏衣郎王僧虔為御史中丞甲
官詔澄以白衣領職烏衣郎族由來多不居憲臺王

氏分枝居烏衣者位微減僧虔為此官三兒皆作沈仲
乃曰此是烏衣諸郎坐處亦可試為爾三兒皆作沈仲

第三人並歷御史臺中丞被憲者多結怨鄰家失火仲
興母孔氏疑為人所焚大呼曰我三兒皆作中丞與人

豈有得入車輻中丞梁樂藹發江陵於船得入車輻如老虎

善者得入車輻中丞健步辟道者至是果還馬

晉崔鴻十國春秋前趙錄段凱驍勇善射好讀
書為御史中丞明筆直繩無所阿避號曰老虎權換辭

宇陳睦繕拜中丞以父之所終固優而不尅王隱晉書

史中丞優帝妹壽陽公主行犯清路執赤棒

而不尅帝妹壽陽公主行犯清路執赤棒

卒呵之不止道穆令卒棒破其車公主深以為恨訴於

帝帝謂公主曰高尉清直之人彼所執者公事豈可以
私懷責之也道穆後見帝帝曰一日家妹行路相犯極

以為愧道穆免冠謝曰臣蒙陛下恩奉陛下法不敢獨
於公主虧李生猶漠汲黯李彪遷御史中尉遠近畏之

又從容謂羣臣曰吾之不揖省郎

後魏宗室子思性劉暴恒以忠烈自

有李生猶漢之有汲黯許為御史中尉奏曰按御史令曰中尉督司百寮治書侍御史糾察禁內又云中尉出行王公百辟避路肅宗之世為臨洮舉哀故兼尚書左僕射元順不肯與名又不送簿故中尉臣鄺道元舉而奏之而順復啟云尚書百揆之本令僕納言之責不宜下隸中尉送名御史臺尋亦蒙勅聽如其奏臣去月朔旦臺移尚書索應朝命帳而省稽留不送尋復移催忽為尚書郎中裴獻伯後注云按舊事御史中尉逢臺郎於後道中尉下車執板郎中車上舉手禮之以此而言明非敵體臣既見此深為怪愕即遣移問事何所依又獲尚書郎中王元旭執出蔡氏漢官似非穿鑿始知裴王亦規壞典謨臣按漢書宣秉為御史中丞典司隸校尉尚書令俱會殿廷並專席而坐京師號為三獨坐又尋魏書崔琰傳晉文陽傳遐皆云既為中丞百寮震慄以此而言則中丞不揖

臺郎蓋已久矣憲臺不屬都堂亦非今日又尋職令云
朝會夫時即加彈糾則官簿帳應送上臺灼然明矣又
皇太子以下違犯憲制皆得糾察則令僕朝名宜赤棒
付御史又亦彰矣詔從其奏仍為元天穆所停
北齊皇宗琅琊王儼武成第二子初封陳平王拜開府
御史中書監京畿大都督領軍大將軍領御史中丞遷
大司徒尚書令大將軍錄尚書事大司馬魏氏舊制中
丞出清道與皇太子分路行王公皆遙駐車去牛頓輒
於地以待中丞過或遲違則赤棒棒之自都鄴後魏此
儀浸絕武成欲推寵儼乃使一依舊制儼初從北宮出
將上中丞凡京畿步騎領軍之官屬中丞之威儀司憲
之鹵簿莫不畢備帝與后在華林園東門外張幕隔清
紗步障觀之遣中貴驃馬趣仗不得入自言奉勅赤棒
應聲碎其鞍馬驚人墜帝大笑以為喜更勅令駐車傳
語良久觀當使天下肅然遊道為尚書左丞謂之曰卿
者傾京色

一人處南臺一人處歷五院唐尚書故事云臺儀自大北省當使天下肅然

院御史國朝歷踐五院者共籠街喝道溫造為御史中

三人李尚隱張延賞溫造也籠街喝道溫造為御史中

褒上疏論之曰臣聞元和長慶中中丞行李不過半坊

今乃遠至兩坊謂之籠街喝道但以崇高自大不

思僭擬之嫌國朝政事供奉官街中除宰相外無所迴

避茂朝廷典禮虞陛下侍臣中丞雖高法吏官也侍臣

見陵是不敬法何以持繩時溫造遇左補闕李虞自避

於街怒其不避捕祇承人決脊故元褒上疏論之自避

三院憲府政事三院御史臺中大夫中丞自辟請命於

而陳投皆丞相之寮舊也勅命雖行朗拒而有所陳

納冕改太常博士居中分司東臺宰相銜之

必於紫宸殿對百寮而請未嘗詣便殿上謂之曰我與

卿言於此不盡可來延英當與卿從容或無遺事親友咸謂臯曰自乾元以來羣臣啟事皆詣延英方得詳盡公何獨於外庭對衆官以陳之無失於慎密乎韓曰御史天下之持平也推剛直枉唯在公共所言之事貴人知之奈何求請便殿避人切語以私國家之法且延英之置也肅宗以苗晉卿年老難步故語之月後來臣寮得請便殿多以私自售希求恩守法賜金紫牛僧孺為寵欲正其身奈何以此為望哉守法賜金紫牛僧孺為州刺史李直臣坐賊當死直臣賂中貴人為之申理僧孺堅執不回穆宗而謂之曰直臣事雖僭失然此人未經度才可委之邊任朕欲貸其法僧孺對曰凡人不才止於持祿取容爾帝王立法束縛姦雄正為才多者祿山朱泚以才過人濁亂天下李直臣小才兩罷李逢吉又何屈法哉上嘉其守法而賜金章紫綬兩罷教人告稹陰事罷相逢吉欲用僧孺懼紳與德裕阻於禁中於是出德裕為浙西觀察使乃用僧孺為平章事以李紳

為御史中丞莫離內職易摘撫而逐之以吏部侍郎韓愈為京兆尹兼御史大夫放臺參知紳剛禍必與韓愈忿爭制出紳果移牒往來論臺府事愈復性訐言詞不遜大喧物論遂兩罷之愈改兵部侍郎出紳江西觀察使穆宗侍紳素厚不怙逢吉嫁禍謂其心希外任令中使就第宣勞賜帶紳對中使訴且言為逢吉所排戀闕之情無已及中謝曰面自陳訴羅織經則天時酷吏來帝方省悟乃改授戶部侍郎羅織經俊臣遷為左臺御史中丞朝廷累息無交言者道路以目與侍史侯思止司刑評事康晳等同惡相濟招集無賴數百人各令其告事共為羅織千里響應又與其黨朱南山輩造告密羅織經一卷皆有條貫文節布置事狀由緒執奏不奉詔意薛存誠為御史中丞僧鑒虛者交結權幸招懷賂遺侍中人為城社存誠因事按鞠得姦贓數十萬上欲赦之存誠執奏不奉詔竟答殺之存不宜與泉貨吏雜處魏謩

丞兼戶部侍郎判李司事奏曰御史臺紀綱之地裴不宜與泉貨吏雜處乞罷中司專綜戶部公事從之裴

度用崔從自代

裴度為中丞奏崔從為侍御史度作相用從自代為中丞從氣貌孤峻正色立

朝彈奏不避權幸事關臺閣或付仗內者必抗章論列請歸有司

官屬選用宜得實才

高元裕字景圭開成中改中丞夙望峻整上言曰御史府紀綱之地官屬選用宜得實才其不稱者臣請出之監察御史魏中庸高弘簡奏進羨餘錢歸融兼御史中並以不稱出為府縣之職

奏進羨餘錢

歸融兼御史中丞湖南觀察使

盧周仁違勅進羨餘錢十萬貫融奏曰天下一家何非君上中外財賦皆陛下府庫也周仁輒陳小利妄說異端入財貨以希恩待朝廷而何淺臣恐天下放效以中羨餘為名因緣刻剥生人受弊請行重責以例列蕃中外不絕而自肅

孔緯字化文為御史中丞緯器志方雅疾惡如仇既總憲綱中外不絕而自肅

累負謗鑠

魏元中聖歷元年為中丞前曾三被流放時人多稱其無罪則天嘗謂曰卿累負謗鑠何

也對曰臣猶鹿也羅織之徒有如獵者苟須臣肉作真

美爾此輩殺臣以求達臣復何辜擢拜鳳閣侍郎

宰相

武元衡遷御史中丞嘗因延英對罷德宗目送之指示左右曰元衡真宰相也持無私綱條悉舉人

甚稱

臺綱正則朝廷理

秋仁傑孫兼謨遷中丞謝曰文宗謂之曰御史臺朝廷綱紀臺

綱正則朝廷理朝廷正則天下理凡執法者大抵以畏忌傾望為心職業由茲不舉卿梁公之後自有家法其

復為常人之心哉兼謨謝曰朝

父子三人清節不易

盧

懷慎之少子與兄與齊名天寶十一年為中丞始懷慎及與並為此官父子三人為中丞清節不易時人美之

鸞鳳與鷹隼事異

文宗謂宰臣曰丁居晦作中丞如何因悉數大臣而品第之歎曰宋申錫

堪任此官惜哉又曰牛僧孺可為大夫宰臣鄭覃曰項
為中丞未嘗搏擊恐無風望上曰不然鸞鳳與鷹隼事

異上又曰居晦此官朕曾以時諍謂李白鵬為四絕問
居晦居晦曰此非君上要知之事常以此記得居晦今

所以擢請僕射退位盧垣為中丞裴均為僕射在班躋
為中丞請僕射退位垣請退之均不受垣曰姚南仲

為僕射例如此均曰南仲何人垣曰是正直而兄弟並
不交權倖者尋罷為右庶子時人歸咎於均

導騶兩塗三國典畧梁張綰字孝卿為中丞兄績為僕射元日朝會及百司就列兄弟並導騶兩塗

前世所未有時紂太子不紂尚書傅咸奏司隸中丞得

人莫不禁之書臣所未喻朝以法鞭皇太子傅梅陶叙余居中丞曾

廷無以易之友莫不致諫余笈而應云堂堂高由陸皇太子所以崇於
上由吾奉王者法吾豈枉道曲媚後皇太子特見延請

賜以清持憲平直

九國志南唐江文蔚保大初遷御史中丞持憲平直無所阿枉宰相馮延

已弟延魯與魏岑陳覺竊弄

威權文蔚上疏彈之云云居風憲之地不宜持節藩

邸後蜀范仁恕拜御史中丞時封建諸王以仁恕為夔

王冊使仁恕以中丞居風憲之地不宜持節藩邸因

請免時雍容端坐

國朝太平興國九年詔御史府憲命所繫獄訟攸歸凡在官聯皆為要劇

所宜謹恪以承重任豈可因循恣成縱弛如聞臺中鞠獄多事委之有司御史從容端坐養高自重而已故令

羣吏為姦無所不至豈所謂徇公求理欽恤惟重之意乎

今後凡有刑獄當批御史並須躬親訊問研究詞情不得信任胥吏仍令中丞振舉故事朝儀整肅

及知雜御史常切糾舉故事朝儀整肅御史中正權
頗振舉故事朝儀整肅親臨鞠問淳化四年詔獄無大小
肅播紳以稱職許之

問不得專謹畏孔道輔為中丞自兗州至京師凡二千
責所司謹畏里曰具公裳幘頭席帽乘馬其謹畏如

此及論廢郭后事天下聳聞其風采上愚民欽信道輔
天下聳聞風采

中丞初劉平戰沒言者以平降於賊上怒問其家將族
之平家人就闕訴寃道逢中丞駒唱遂攔其馬叫寃兩

街賣飯人皆曰徒勞爾此中丞非樸謹非糾繩才中皇祐
孔中丞也其為愚民欽信如此

非糾繩才不合居此官朴手疏曰臣觀方今士人趨進
朴以右諫議大夫權御史中丞制下諫官論奏朴樸謹

者多謙讓者少以善求事為精神以能許人為風采捷
給若嗇夫謂之有議論刻深若酷吏謂之有政事諫官

所謂才者豈謂是乎面折林瑀賈昌朝為中丞侍講林
仁宗察其言趨視事瑀者用天子即位年月

日傳會易卦以推吉凶昌朝因面折之退又疏言浮華
疏瑀所推不經不宜侍上左右仁宗為罷瑀疏言浮華

險薄

王疇以右諫議大夫權御史中丞時諫官御史唐介等坐彈奏陳升之罷絀議者謂介等為小人遊

談所誤疇疏言浮華險薄之徒往來諫官御史家持撫人罪浸以成俗請出詔戒勵從之不肯以恩

意假人

杜衍為中丞自宰相而下畏之曰是不以恩意假人者也

宰相而下皆畏上

無如吾同姓

上嘗言臺諫官須厚重知治體者方可選用御史中丞為紀綱之首須選老成者為

之朕弄印久矣無如吾同姓槩及為中丞事不該理體者不言故止重之不大用以知制誥王疇文章雅正立

朝嚴介擢為

厚重知治體上贈詩

梁江總贈孔中丞詩曰我行五嶺表辭鄉

二十年聞鶯欲動詠披霧即依然疇昔同寮案今隨年代改借問藏書處唯君故人在故人名宦高清簡肅權

豪誰知懷九歎

作箴

傅咸御史中丞箴叙曰百官之箴徒然見二毛以箴王闕余承先君之蹤初位憲

臺懼有忝累垂翼之責且造斯箴以自勗勵不云自箴而云御史中丞箴者凡為御史中丞欲通以箴之也詞曰煌煌天文宿星是環爰立執法其輝有煥執憲之綱秉國之憲鷹揚虎視肅清違慢蹇蹇匪躬是曰王臣既直其道奚顧其身身之不顧視有弗震邦國若否山甫是明焉用彼相莫扶其傾淮南構逆實憚汲生赫赫有國可無忠貞憂責有在繩亦必直良農耘穢勿使能植無禮是逐安惜翅翼嗟爾庶寮各敬乃職無為罰先無怙厥力怨及朋友無慙於色得罪天此人不敢不憚王子內省有惡惡是用作箴惟以自教此人不敢不憚晉書敬王恬為御史中丞值海西廢太宗即位大司馬溫屯中堂警角恬劾大不敬請治罪明且溫見奏歎曰此人不能辨禮法之過國朝蔡齊為中丞初明肅上仙議尊楊太妃為太后垂簾聽政議決敢不憚名百寮賀御史中丞蔡齊謂臺吏曰若無御史中丞則可追班既有御史中丞誰敢追班乃前白宰相以辨失

禮亂法之過執政不得已為損其禮上聞而嘉之

執憲轂下不吐剛茹柔

前漢谷永

薦薛宣材茂行潔達於從政前為御史中丞執憲轂下不吐剛茹柔舉錯時當御史有言不先

白中丞

歸田錄御史臺故事三院御史言事必先白中丞自中山劉子儀為中丞始勝臺中今後御史

有言不須先白中丞至今如此

留班廷爭

東齊記事王安簡公為御史中丞嘗留百官班以廷爭張

堯佐仁皇急遣使正之為罷堯佐宣徽景靈二使焉

治書侍御史

前漢百官表其治書尚符璽者有印綬比二千石以上

皆銅印黃綬

後漢百官志治書侍御史二人秩六百石本注曰常選

用明法律者為之凡天下諸讞疑事掌以法律當其是

非

蔡質漢儀曰選御史高第者為之胡廣曰宣帝感路

溫舒言秋季後請讞時帝宣室齋居而決事令侍御

史二人治書治書御史起此後因別置冠法冠秩百石

有印綬與符節郎共平廷尉奏事罪當輕重荀綽晉百

官表注曰惠帝以後

無所平治備位而已

晉職官志按宣帝幸宣室齋居決事令侍御史二人治

書侍側後因別置謂之治書侍御史蓋其任也及魏又

置治書執法掌奏劾而治書侍御史掌律令二官俱置

及晉惟治書侍御史四員泰始四年又置黃沙獄治書侍御史一人秩與中丞同掌詔獄及廷尉不當者皆治之後并河南遂省黃沙治書侍御史及太康中又省

宋百官志治書侍御史掌舉劾官品第六以上魏晉以來則分掌侍御史所掌諸曹若尚書二丞也

南齊百官志治書侍御史一人

後魏百官志孝文帝太和八年治書御史第五品上在著作郎下尚書郎郎中上二十八年後次職今改為第六

品上班在謁者僕射下

隋百官志梁治書侍御史二人掌舉劾官品第六以下分統侍御史齊二人隋因之開皇官品令有治書侍御史一人為大夫之貳從五品下班在尚書郎下大業三年官品正五品在著作郎下都水使者上五年又減為從五品在都水丞下臺中簿領皆主之即今之御史中

丞

六典唐貞觀中避高宗諱省治書侍御史依前代置御史中丞

縣官漫漫冤死者半

風俗通項者廷尉多牆面而苟充故位治書侍御史不復議獄里語曰縣官漫

漫冤死

三日周遷三臺

後漢蔡邕以侍御史遷治書御史典遷尚書三日之間周遷三臺

典

行臺獄

魏志王觀字傳臺明帝幸許昌召觀為治書侍御史典行臺獄時多倉卒喜怒而觀不稍為阿意順旨

協律令以備顧問

郭演魏職品令云乘輿臨朝堂及諸處視事則治書侍御史協律令於階側以備顧問

典詔

晉高光少習家法明練刑理武帝置黃沙獄以典詔因以光歷世明法用為黃沙御史秩與中丞同

歷世明法

上

手詔用之

杜預為鎮南入辭口啟陳壽史才通博宜補黃散上曰壽可作

治書否預對曰惟在聖詔即手詔用之

執盛印青囊

南史何思澄自廷尉遷治書侍御史宋齊

以來此職甚輕天監初始重其選車前依尚書南奔謝

二丞給三騶執盛印青囊舊事糾彈印綬在前南奔謝

御梁天監中自尚書三公郎為治書侍御史舊郎官轉為北職者謂之南奔幾御頗失志多陳疾臺事畧不復理

正已當官不憚強禦

後魏高道悅拜治書侍御史正已當官不憚強禦奏舉任城王澄等

免官高祖稱職

隋梁毗字景和性剛蹇有學術開皇初詔褒美之稱職置御史官朝廷以毗鯁正拜治書侍御

史名為

當朝正色百寮敬憚

柳或字約文為治書侍御史當朝正色為百寮所敬

憚上嘉其直謂或曰大丈夫當立名

端笏整容左僕射

於世無容容而已賜錢十萬米百石

塗貴重百寮憚無敢忤者嘗以小璲勅送南臺素恃貴重坐侍御史柳或自外來於階下端笏整容謂素曰

奉勅理公之罪素遽下或據案而坐立素於廷辯詰事狀素由是銜之是歲持節巡省河北五十二州奏免長

吏賊污不稱者三百百寮震慄榮毗陸知命並拜治書餘人州縣為之肅然賜朝服一襲游元字楚

為百寮所憚時齊王暕頗驕縱

賜朝服一襲

客兼治書

暕近小人如命奏劾百寮震慄

職官分紀

二十七

侍御史宇文述軍敗帝令元理其獄述時貴倖勢傾朝廷遣家僮造元有所請屬元不之見也它日數述曰公地屬親賢腹心是寄當咎身責己以勸事君乃遣人相告欲何所道持之愈急仍以狀劾之帝嘉其公正於是賜朝服出衆人意表劉子翊擢治書侍御史每朝廷疑議子翊為之辨析多出衆人意表

時人稱其有量唐孫伏伽為治書侍御史先被內旨而制未出歸卧其家無喜色頃之御史造門子弟驚曰伏伽徐起見之時人稱其有量以比顧雍云

侍御史

前漢百官表御史大夫領侍御史員十五人哀帝元壽

二年侍御史有繡衣直指師古曰衣以繡者尊寵之也

出討姦猾治

大獄武帝所制不常置

後漢百官志侍御史十五人秩六百石以公府掾屬高第補之或牧守議郎郎中為之本注曰掌察舉非法受公卿羣吏奏事有違失舉劾之凡郊廟之祠及大朝會大封拜則一人監威儀有違失則劾奏

蔡質漢儀曰其二人者更直執

法省中者皆糾察百官督州郡法公府掾屬高第補之初稱守滿歲拜真出治劇為刺史二十石平遷補令見中丞執板揖

應劭漢官儀侍御史周官也為柱下史冠法冠一名柱

後以鐵為柱言其審固不撓也或說古有獬豸獸主觸不直故執憲者以其角形為冠爾余覽秦事云始皇滅楚以其君冠賜御史漢興襲秦因而不改

漢舊儀御史員四十五人皆六百石其十五人衣絳給事殿中為侍御史宿廬在石渠門外餘三十人留寺理官事也

晉職官志侍御史按二漢所掌凡有五曹一曰令曹掌律令二曰印曹掌刻印三曰供曹掌齋祀四曰尉馬曹掌

廐馬五曰乘曹掌護駕豹尾之內便為禁省魏置八人及晉置九人品同治書而有十三曹吏曹課第曹直事曹印曹中都督曹外都督曹媒曹符節曹水曹中壘曹營軍曹法曹算曹及江左初省課第曹置庫曹掌廐牧牛馬市租後分庫曹置外左庫內左庫二曹

宋百官志侍御史於周為柱下史周官有御史掌治令亦其任也秦置侍御史漢因之宋太祖元嘉中省外左庫而內左庫直云左庫世祖大明中復置順帝初省營

軍併水曹省算曹併法曹吏曹不置御史凡十御史馬
南齊百官志侍御史十人蘭臺置諸曹內外督令以下
沈約宋書繡衣御史光武省順帝復置魏罷

隋百官志梁侍御史九人居曹掌知其事糾察不法後
齊侍御史八人隋因之煬帝增侍御史為正七品

十三州志侍御史周柱下史秩六百石掌注記言行糾
諸不法員十五人出有所按則稱使

唐職官志侍御史四員

從六品下御史之名周官有之亦名柱下史秦改為侍御史後

周曰司憲中士隋有侍御史品第七武德品第六

唐百官志侍御史六人從六品下掌糾察百寮及入閣承詔知推彈雜事凡三司理事與給事中中書舍人更直朝堂若三司所按而非其長官則與刑部郎中員外郎大理寺直評事往訊彈劾則大夫中丞押奏大事法冠朱衣纁裳白紗中單小事常服次者一人知雜事謂之雜端殿中監察職掌進名遷改及令史考第臺內事顯決亦號臺端次一人知公廨次一人知彈分京城

諸司及諸州為東西次一人知西推贓贖三司受事號副端次一人知東推理匭等有不糾舉者罰之以殿中侍御史第一人同知東推莅太倉出納第二人同知西推莅左藏出納號四推御史隻日臺院受事雙日殿院受事侍御史一人司東郡臺院凡御史以下遇長官於路去戴下馬長官斂轡止之出入行止殿中以下視以為法先後有罰入朝則與殿中侍御史隨仗分入東則居侍中黃門侍郎給事中之次西則居中書令侍郎舍

人之次各居中丞大夫之下每一人東嚮承詔五日有
旨召御史不呼名則承詔者出樂彥璋為大夫以嘗召
兩御史乃加副承詔一人關則殿中丞之監察御史分
日直朝堂入自側門非奏事不至殿庭正門無籍天授
中詔側門置籍得至殿庭開元七年又詔隨仗入閣分
左右巡糾察違失左巡知京城內右巡知京城外盡雍
洛二州之境月一代將晦即巡刑部大理東西徒坊金
吾縣獄蒐狩則監圍察斷絕失禽者其後以殿中掌左

右巡尋以務劇選用京畿縣尉又置御史裏行使殿中裏行使監察裏行使以未為正官無員數唐法殿中侍御史遷拜及職事與侍御史均開元以降權屬侍御史而殿中兼知庫藏宮門內事故事御史臺不受訟有訴可聞者略其姓名託以風聞其後御史嫉惡者少通狀壅絕十四年乃定受事御史一人知其曰劾狀題告事人姓名其後宰相以御史權重建議彈奏先白中丞大夫復通狀中書門下然後得奏自是御史之任輕矣建

中元年以侍御史分掌公廨推彈自是雜端之任輕矣

元和八年命四推御史受事周而復始罷東西分日之

限主簿一人從七品下掌印及受事發辰覈臺務主公

廨及戶奴婢勲散官之職錄事二人從九品下有主事二人臺

院有令史七十八人書令史二人掌固十二人六典侍御史四人從六

品下周禮宗伯屬官有御史掌邦國都鄙及萬民之治令以贊冢宰凡治之者有法令焉以其在殿柱下

間亦謂之柱下史皇朝置四人加從六品下又治內供

奉員不過本數其遷改與正官資望亦齊舊制庶僕五

分減一其崔隱甫為大夫俱奉裏行並月正給案令隔

品致敬比者因循侍御史以下皆與大夫抗禮開元中

八年勅重申明猶未之改李適之為大夫皆受拜時議是之

掌糾舉百寮推鞠獄訟

其職有六一曰奏彈二曰三司三曰西推四曰東推五曰贓贖六曰理匭凡有制勅付臺推者則按其實狀以奏之若尋常之獄推訖斷於大理

五代史百官志晉天福三年三月御史臺奏按六典御史掌糾舉百寮推鞠訟獄居上者判臺知公廨雜事次知西推贓贖三司受事次知東推理匭勅宜依舊制遂以駕部員外郎兼侍御史知雜事劉皞為河南尹自是

無省即知雜者開運二年八月勅御史臺准前朝故事以即中員外郎一人兼侍御史知雜事近年停罷獨委年深御史知雜振舉之紀剛未峻宜遵舊事廣叶通規宜復於即署中選清慎強幹者兼侍御史知雜事

國朝大中祥符四年詔自今御史須文學優長政事尤異者特加擢拜遇慶恩不得以它官轉入

五年詔三院御史除出差外任及在京洩它局之外定以六員為制

九年詔三院御史舊三年為滿者自今在臺供職並止
二年若曾紀彈公事顯是修職候滿日特升陟如無振
舉者當議比類對換別官外任差遣仍令本臺勘會在
職事狀及有無公過指實以聞

天禧二年三院御史並給御寶印紙歷錄彈奏事

慶厯五年殿中侍御史梅摯監察御史李京並為言事
御史唐制御史不專言職故天禧中始置言事御史六
員其後久不除至是始除之今御史臺中丞廳之南有

諫官御史廳蓋御史得兼諫職也

皇祐中仁宗宣諭宰臣曰諫官御史必用忠厚淳直通世務明法體之人以革浮華之弊自是詔舉御史必載帝語降勅

官品令侍御史從六品

論定律令

史記趙禹武帝即位以刀筆吏積勞遷為侍御史與張湯論定律令

作大篆程

邈

為獄吏得罪始皇幽繫雲陽獄十年從獄中作大篆少者增益多者損減方者使圓圓者使方秦始皇善之出

為御史

威振州郡

前漢武帝末郡國賊盜羣起暴勝之為直指使者衣繡持斧逐捕盜賊督課郡

國誅不從命 明習天下圖書 張蒼為柱下御史 劾霍光
威振州郡

專廢立

嚴延年為御史大夫掾遷侍御史劾光專廢
立七人臣禮不道奏雖寢然朝廷肅焉敬憚戒

子孫議法當依輕

後漢陳寵曾祖父咸哀平間以明律
為侍御史王莽篡位父子遂相將歸

鄉里閉門不出乃以家中律令書藏之以俟聖主咸常
勅戒子孫為人議法當依輕雖有百金之利無與人重

安集洛陽

杜詩為御史安集洛陽時將軍蕭廣放縱兵
士暴橫民間百姓惶擾詩勅曉不改遂格殺

廣還以狀聞世祖
名見賜祭戰

馬桓典字公雅拜侍御史是時官
官秉權典執正無所迴避常乘

驄馬京師畏憚為之語曰埋輪 張綱為御史時遣八使
行行且止避驄馬御史巡風俗皆耆儒知名多

歷顯位唯綱年少官次最微餘人受命之部而綱獨埋
其車輪於洛陽都亭曰豺狼當路安問狐狸遂奏曰大

將軍冀河南尹不疑蒙外戚之援荷國厚恩而專為以封豕長蛇肆其貪心誠天威所不赦大辟所宜加也以

頭輒乘輿車輪

東觀漢記申屠剛字巨卿建武初拜侍御史遷尚書令塞塞多直無所屈撓隴

蜀未平上嘗欲近出剛止不聽持節使幽州

李恂拜侍御史持節

使幽州宣布恩澤慰撫北狄所過皆圖寫山川屯田聚落百餘卷悉封奏上肅宗嘉之

察視之官

鄭據字平卿建初五年辟司空府拜侍御史上疏曰臣據斗筭小吏擢在察視之官分當判邪矯枉唯明詔端

其前微臣謹其後昧死先以聞詔書示官府曰據剛名正盡節亦何陵遲之有其賜素六十足由是顯名

見問以經書

光武聞杜林選三輔乃召拜侍御史召見問以經書故舊及西周事甚悅之賜以車

馬衣

奏請李大將軍罪

陳翊拜侍御史元日朝賀大將軍梁冀威儀不整翊奏請收冀

理罪時京畿稱宰相之才楊秉拜侍御史京畿觀覽風

俗譙立為繡衣使者持節分於天咸稱其宰相之才與中丞趨舍不同華

後漢書何進辟孔融舉高第為侍橫劔當車續漢書種

史監護太子承光宮中常侍高梵受勅迎太子不齋詔

書以衣車載太子欲出太子太傅高奩不知所以力不

能止開門臨去嵩至橫劔當車曰御史受詔監護太子

太子國之儲副人命所繫常侍來無一尺詔書安知非

扶奸邪今日之事有刀筆吏漢雜事趙亮以刀白筆魏

死而已梵不敢爭筆吏遷侍御史白筆大

會殿中御史簪白筆側殿而坐帝問此何官辛毗曰此

謂御史舊時簪筆以奏不法當如今者直備位但耽筆

耳注視事番直職品令侍御史無曹別所主唯參署

音餌臺內文案與殿中侍御史畫則分臺

視事夜則斷長安大獄王隱晉書庾峻為秘書丞遍觀古今聞見益優長安大獄久不

決轉為侍御史
斷之朝野稱之
用心屬正
家業用心
屬正為侍御史
傳暢晉書
劉毅子璲亦遵其

正直有父風

色詰之彰怒曰我能截卿角也皦勃然謂章曰君何敢恃寵作威作福天子法冠而欲截角乎命紙筆奏之彰
伏不敢言衆姿貌威儀魏素紹字本初有姿貌威儀能折節下士士多附之太祖少與
人解釋遂止

交以大將軍督察萬里紂劾百寮北齊司馬子瑞為中丞選御史云周興鐵
掾為侍御史

柱漢制繡衣簪白筆以繩違馭總馬而明目故能出則
督察萬里入則紆紉百寮揚摧而言惟賢是寄必須名

高河朔價重漢南諤諤清風翩翩妙技心
馬匪石直也如絃有兼此者實所饒渴

儀性剛鯁有不可奪之志開皇初國之龜寶御或為侍

為侍御史處法平當不為勢所回

正色百寮敬憚上嘉之曰獨搖不須風御調為御史僕

柳或正直之士國之龜寶

堂兄調因獨言曰柳調通體弱獨搖不須風調斂版正色

曰信無取者公不當以為侍御史信有可取不應發此

言公當具瞻之扶樞機白鹿馴擾其廬陳孝慈以貞介

不可輕發素甚奇之

父憂去職喪居過禮有白鹿馴獬豸冠也一曰柱後惠

擾其廬時人以為孝感之應

文如淳注漢書云獬豸冠高五寸秦制也法冠服之授

董巴注云獬豸神羊也蔡邕曰如麟應劭曰此獸主觸

不直故執憲者為冠以象之舉鞭聳揖唐御史遭長官

秦滅楚以其君冠賜御史

乾封中王本立為御史意氣頗高塗遇長官端揖而已

自是諸人或降而立或一足至地或側鞭他鐙輕重無

常開元以來但舉鞭箠揖而已尹避臺官

王播為侍御史貞元末幸臣李實為京兆尹恃恩頗橫嘗

過播於塗不避故事尹避臺官播移文詰之

烘堂

凡上堂絕言笑有不可忍者雜端大笑則闔坐皆

笑謂之烘堂

監奏

御史大朝會則監察押班常參則殿中分班入閣則御史監奏蓋舍元殿

最遠用八品宣政其次用七品紫宸最近用六品

白兔御史

酷吏王弘義為左臺侍御史弘義常

於鄉里求旁舍瓜主恠之弘義乃狀言瓜園中有白兔命人捕逐斯須園苗盡矣內史李昭德曰昔聞蒼鷹獵獄

吏今見白兔御史

膽落

溫造字簡與為侍御史李祐自夏州入拜金吾達制馬一百五十匹造正衙彈

奏祐胆戰汗流謂人曰吾夜踰蔡州城擒吳元濟未嘗心動今日膽落於溫御史吁可畏哉

獬豸不

識字

則天將不利於王室羅織之徒已興矣侯思止者雍州醴泉人告舒王及裴貞反周興按之並族城

授思止游擊將軍高元禮呼之為侯大曰國家用人不
次若言侯大不識字即奏云獬豸獸亦不識字而能觸
邪則天果如其問思止以獬豸對之 卑鵬王忠愍為左
則天天授三年乃拜左臺侍御史 卑鵬臺侍御史執

法剛正百寮畏憚時人呼為卑鵬言 前後坐族千餘家
其顧瞻之吏皆如鵬鵠之視燕雀也

來俊臣則天時為侍御史按制獄素小 清要李素立武
不合意者必引之前後坐族千餘家 德初為監

察御史時有犯法者不至死高祖特令殺之素立諫止
之自是累承恩顧尋丁憂高祖令奪情授一七品清要官

所司擬雍州司戶參軍上曰此官要而不清又 不樂搏
擬秘書郎上曰此官清而不要遂擢授侍御史

擊之任 御史中丞桓範舉楊嶠為御史嶠不樂搏擊之
任範曰為官擇人豈待情願遂引為左臺侍御史

碎首王階 王義方在職劾李義府 御史臺固可廢楊賜
曰碎首王階素明臣節 御史臺固可廢開元

初遷侍御史時崔日知為京兆尹貪暴犯法賜與御史大夫李傑將糾劾之傑反為日知所構賜奏曰糾彈之司若遭附會以成姦人之謀御史臺固可廢矣上以其言切直遂令傑依舊視事貶日知歛縣丞不能

去姦邪於雙闕之前

侍御史王義方廷奏義府犯狀帝怒出義方為萊州司戶而不問義

府姦濫之罪義府云王御史妄相彈奏得無愧乎義方對云仲尼為魯司寇七日誅少正卯於兩觀之下義方任御史旬有六日不能去姦遠近聞授職欣然相賀徐

有功為左臺侍御史則天褒異之時遠近聞有功授職皆欣然相賀後澗州刺史竇孝謹妻龐氏奴誣告給事薛季祖斷其罪當死有功獨明其無罪而李旭等反陷有功黨援惡遂奏付法當棄市則天覽奏召有功語之曰卿比新獄失出何多對曰失出臣下之小過好生聖人之大德則天默然由是龐氏減死有功除名為庶人尋起為

欽定四庫全書

卷十四

左司 廷劾李義府

王義方遷侍御史時李義府執權用事婦人淳于氏有美色坐事繫大理

義府悅之託大理丞畢正義枉法出之高宗重按其事正義自縊高宗特原義府之罪義方以義府姦蠹害政將加彈奏以問其母母曰昔王陵母伏劍成子之義汝能盡忠立名吾之願也義方乃廷劾義府高宗以義方毀辱大臣言詞不遜遷萊州司戶

主聖臣直

柳範為侍御史吳王恪好畋遊損居人田苗範奏彈

之太宗謂侍臣曰推萬紀不能輔導恪罪死範進曰房玄齡事陛下猶不能諫止畋獵豈宜獨罪萬紀帝怒拂衣起頃之名謂曰何廷折我範謝曰主聖則臣直陛下仁明臣敢不盡愚帝乃解

動搖山嶽震

惴州縣

乾封中韋仁約除侍御史與公卿相見未嘗行拜禮或勉之對曰鵠鶚鷹鷂豈衆禽之偶奈何

設拜以狎之且耳目之官故當特立乃曰御史耳目之衝命出使不能動搖山嶽震惴州縣誠曠職身耳目之

官上奉使陳遼東可平之狀

賈言忠為侍御史時朝廷有事遼東言忠奉使往

軍糧及還高宗問以軍事言忠盡其山川地勢且陳遼東可平之狀高宗大悅又問諸將優劣言忠曰李勣先朝舊臣聖鑒所悉龐同善雖非閭將而特軍嚴整薛仁貴勇冠三軍名可振教高倂儉素自處忠果有謀契必何力沈毅持重有統御之才然頗有忌前之癖諸將夙夜小心忘身憂國莫逮李勣者高宗深然之壞鄭

注白麻

李甘見宰相門

廳前兩株栢

御史臺侍御史廳前有兩株栢總章年李玄同張仁

祿為侍御史所植也杜易簡為之贊云爰有貞栢徙植清臺麝條霜勁垂葉風開始逢鵲喜終見烏來奏尉

遲寶琳抑人為妾

劉藏器為侍御史時衛尉卿尉遲寶琳抑人為妾藏器請還其父母帝

既可其奏寶琳私奏乞之帝從之藏器復執奏帝又可之寶琳又請如是再三藏器進言曰法者海內之懸衡

上下之所共若刑罰不中則人無所措手足陛下若用舍恣情愛憎由已則國之刑憲何所施陳今竇琳請陛下從之臣所執奏陛下亦從之今日從之明日又改之欲令下人何以遵奉夫人無信不立匹夫匹婦尚不可失信況為天子安可戲言今陛下二三其言處分不定臣恐四海之內無所適從帝竟從藏器所奏熒惑

御史之象

黃石公陰謀秘法熒惑火之精御史之象主禁令刑罰收補糾正

南牀

通典食坐

之南設橫榻謂之南牀殿中監不得坐亦謂之癡牀言處其上者皆驕敖自得使人如癡又曰凡侍御史之例不得出累月則遷登癡牀上

名望素高

九國志吳楊廷式為侍御史知

南省故號為南牀

雜事廷式強立忠直名望素高及為憲職人皆屬望雖功臣武將亦嚴憚之徐知誥輔政漸革貪弊張崇為廬州刺史好聚斂會廬江民訟其縣令指刻者時議以宗難制使廷式往按之廷式謂知誥曰雜端推事其威至

重職業不可不行也知詰曰君將若何廷式曰將械繫張崇使使往金陵簿責都統知詰曰所劾者縣令爾何至於此廷式曰縣令卑官也今取於民皆張崇使為之轉以獻都統爾豈可捨其大而詰其細乎知詰俛首謝之曰吾知小事不足仰權貴為之斂手南唐高越從子煩乃止遽大理司直已陳覺專國達立朝言靈駕起發乞不拆民居國朝真宗永定靈駕將發山陵使自京至缺靈駕將發山陵使自京至缺毀之太后以為然御史知雜謝濤上言先帝缺當

晉法駕行章尚不壞民廬舍今遺詔從儉葬而有司造象物侈大反欲壞民屋舍非先帝意也宜各裁減太后不從上時與太后坐閣中乃言曰城門靈駕所過卑者當毀民居不當毀太后坐閣中乃言曰城門靈駕所共缺十長蘆江口建佛刹時轉運使希當塗禁絕拆塲皇祐中侍御史徐宗况奏頃年真州七字

之旨上言天長六合城壁皆五代設險之地請拆塼以脩寺令後乞降朝旨禁絕拆塼上曰城池設險雖亦故事然朕方恃德不恃險設或有大寇盜一小邑雖有城池亦不足禦御為臺官為朕言取國家大事未幾出知潁州然亦依其所奏宋羅江時又有侍御史宋禧上言上之斷國體也如此宋羅江乞宮中養羅江狗以備不虞上曰養兵百萬威制夷狄尚慮不可備不虞御令宮中養狗無謂也會曹隸叔言朝言不及犬馬而禧被黜於是宋羅江之言事不尚沽激何邪天性鯁直歷三院御史羅江之號言事不尚沽激言事不尚沽激頗有大體朝廷重趣令就職治平元年新除侍御史知雜事呂誨以之趣令就職嘗言承旨賈黯過失辭職黯奏曰諫官御史本為人主耳目一時公言非有嫌怨且誨初得御史乃臣與孫抃五人薦舉臣知其為人方正謹厚今茲擢用甚先衆望臣得與之共事必能協濟伏望趣令就職詔以喻誨遂就職

奏對鄙俚為侍

御史彈奏夏竦不當為樞密辭兼判大理寺二年知雜使及奏對鄙俚人皆以為笑

憲糾繩百司刑名出入當舉劾若令判大理寺則於體有妨望許辭免從之

納勅中書

二年知制

詰韓維奏准勅舉御史緣臣近累論奏乞追復呂誨等所有御史未敢受詔閣門納勅中書

在言職少

所建白

二年尚書禮部郎中兼侍御史知雜事龔鼎臣為宰相韓琦善翰林學士吳奎欲舉御史賈黯不肯奎

爭不能得乃止既而以尚書都官員外郎受起居舍人知諫院未幾遂知雜事在言職少所建白其後上欲以

王廣淵為諫官曰近歲諫官御史多不稱職如龔鼎臣乃未嘗言事

光誨言事尤多

上自即位委政大臣諫官至是出之御史言事者有司馬光呂

誨傅堯俞趙鼎范純仁呂大防而光誨言事尤多嘗言王廣淵姦邪不可以直集賢院呂誨嘗論奏宰相韓琦

五罪以為當臺官用稀姓歸田錄景祐中有郎官皮仲容者偶出街衢為一輕薄子罷去皆弗聽所虧遽前賀云聞君有臺憲之命仲容立馬媿謝久之徐問何以知之對曰朝廷所制臺官必用稀姓者故以君姓知之爾蓋是時三院御史乃仲簡論程掌禹錫也聞者傳以為笑

殿中侍御史

晉職官志魏蘭臺遣二御史居殿中伺察非法即其始也晉置員四人江左置二人隋梁有四人掌殿中禁衛內事隋置殿內侍御史十二人煬帝省殿內侍御史員唐百官志殿中侍御史九人從七品下掌殿廷供奉之

儀京畿諸司兵皆隸焉正班列於閣門之外糾離班語不肅者元日冬至朝會則乘馬具服戴黑豸升殿巡幸

則往來門旗之內檢校文物虧失者一人同知東推監

太倉出納一人同知西推監左藏出納二人為廊下食

使二人分知左右巡三人內供奉

隋末廢殿內侍御史義寧元年丞相府置察非

據二人武德元年改殿中侍御史武后文明元年置殿中裏行後專以裏行名官長安三年置內供奉

六典殿中侍御史六人從七品上

晉置四人東晉省二人梁陳不載品秩後

魏初從五品太和末為從八品上北齊置十二人正八品隋開皇改為殿中侍御史置十二人正八品下煬帝

三年省武德五年置四人正八品下貞觀二十三年加員品文明元年又置殿中裏行以楊啟王侍徵為之

國朝官品令殿中侍御史正七品

久習內事

山濤啓事以中書通事內使孫緄限滿久習內事宜補殿中侍御史詔可之則劣於侍御史

也監燒鴟鳥

晉中興書稱帝使殿中侍御史監燒鴟鳥括丁倍於本帳三國

宋世良魏孝莊時為殿中侍御史詣河北括戶大獲游隋至汲郡旁見有骸骨移書之至夜其雨滂沱孝莊

勞之曰知卿所括得丁倍於本帳若紉劾不避威權唐張

官人皆如此是更生出於天下也紉劾不避威權張

行成少師事河間劉炫勤學不倦炫謂門人曰張子體局方正廊廟才也為雍州富平縣主簿理有能名扶滿

補殿中侍御史紉劾不避威權太宗以為能謂房玄齡曰觀古今用人必因媒介若行成者朕自舉之無先容

也大臣不宜輕易

王無競遷監察御史轉殿中舊例每日更直於殿前正班時宰相宗楚客

楊再思常離班偶語無競前曰朝禮至敬公等大臣不宜輕易楚客等大怒轉無競太子舍人 劾趙彥

昭左道

郭震在職劾刑部尚書趙彥昭等曰以女巫左道亂常託為諸姑以踐台階驅車造門著婦人

之衣携妻就謁中

獄四其御史

郭霸為左臺殿中侍御史則天召見霸自陳忠鯁云

往年征徐敬業臣願抽其筋食其肉飲其血絕其髓則天悅故拜為左臺侍御史時人號為四其御史 接

武夔龍簞羽鵩鷺

上官儀進西臺侍郎同東西臺三品時以雍州司士叅軍韋絢為殿中侍

御史或疑非遷儀曰此野人語耳御史供奉赤墀下小接武夔龍簞羽鵩鷺豈雍州判佐比乎時以為清言小

事不足介意

唐臨初為殿中侍御中大夫孫雲韋挺以朝列不整責臨臨曰此為小事不足介意

請今之俊草之明日江夏王道宗自以貴戚共韋挺對立語臨趨至曰王亂班臨彈王江夏答曰共公大夫語何至於是臨曰大夫亦自亂班

治獄至仁恕

崔仁師貞觀初改殿

中侍御史時賈州有男子謀逆有司捕支黨繫係填獄詔仁師按覆及至悉去囚械為具食飲湯沐以情訊之止坐魁惡十餘人他悉原縱大理少卿孫伏伽謂曰原雪諸家誰肯讓死就決而事變奈何仁師曰治獄主仁恕故諄稱殺人則足亦皆有禮豈有知枉不申為身謀哉使吾以一介易十囚命故吾願也及劾使覆訊諸囚皆叩頭曰崔公仁恕必無綴供奉班出入後唐天成中枉者舉無異辭由是知名綴供奉班出入御史臺奏每遇入閣舊例只一員侍御史在龍墀邊祇候彈奏公事或南班失儀點校不及今欲依常例差殿中侍御史二員押鐘鼓位乃各識面臺官國朝皇祐中詔委御史中綴供奉班出入承孫抃舉御史抃舉太常

博士吳中復或云朴平生不識中復何由知之朴曰聞
中復知捷為縣廢淫祠以禁民之非開河灘以通民之
利又嘉州舊產紫什楠榴瘳木等任於蜀者競採之以
為器民甚苦之中復作嘉陽四詠詩以悼之及替還舟
中並不載嘉陽一物其愛民康謹如此使之立朝必不
苟且昔人恥為呈身御史今我豈薦識面臺官遂除殿中
侍御史言宰臣劉沆之過內出姓名英宗治平二年以
出知他州召選為侍御史江東轉運判官尚
書屯田員外郎范純仁為殿中侍御史太常博士權發
遣三司鹽鐵判官呂大防為監察御史裏行近制御史
有闕則命翰林學士與御史中丞知雜事迭舉二人而
上自擇取一人至是闕兩員舉者未上內出純仁大防
姓名而命之

監察御史

監察御史裏行
檢校御史附

前漢百官表秦有監御史掌監部漢省秩六百石漢舊儀惠帝六年相國奏遣御史監三部監者二歲更常以十一月奏事十二月還監其後州置監御史宣帝時遣御史察計簿不實者監察之名兼取於此

徐邈晉紀孝武帝太元中置檢校御史吳混之為之專掌行馬外事

宋百官志右司隸知行屬外事晉江左置司隸之官故置檢校御史掌行馬外百官階次云檢校御史方於殿

中今置其職沈約宋書秦監御史古牧伯也與今不同
齊職儀晉宋時有限外御史冠服同正員而無局任今
裏行內供奉之類是也明慶年王本立余衡皆監察裏
行自此始有其號後魏職品令太和末置檢校御史十
二人宿直外臺不得入宿內省第九品上在律博士校
書郎下

北齊職品令檢校御史十二人從八品上員同殿中在
尚書都令史太樂令上

隋開皇官品令文帝開皇三年改檢校御史為監察御史十二員從八品上在尚書都事下大業三年改為正八品增置十六員八年進階從七品掌侍從出使檢校班在國之助教上

唐職官志監察御史十員

正八品上貞觀初馬周以布衣進用太宗令於監察御史

裏行自此因置裏行之名龍朔元年以王本立為監察裏行

唐百官志監察御史十五人正八品下掌察百僚巡按州縣獄訟軍戎祭事營作太府丞納皆莅焉知朝廷左

右廂及百司綱目凡十道巡按以判官二人為佐務繁則有吏使其一察官人善惡其二察戶口流散籍帳隱沒賊役不均其三察農桑不勤倉廩減耗其四察妖猾盜賊不事生業為私蠹害其五察德行孝悌茂才異等藏器晦迹應時用者其六察黠吏豪宗兼并縱暴貧弱冤苦不能自伸者凡戰伐大克獲則數俘馘審功賞然後奏之屯田鑄錢嶺南黔府選補亦視功過糾察決囚徒則與中書舍人金吾將軍莅之國忌齋則與殿中侍

御史分察寺觀蒞宴射及大祠中祠視不如儀者以聞初開元中兼巡傳驛至二十五年以監察御史檢校兩京館驛大厯十四年兩京以御史一人知驛號館驛使監察御史分察尚書省六司繇下第一人為始出使亦然興元元年以第一人察吏部禮部兼監察使第二人察兵部工部兼館驛使第三人察戶部刑部歲終議殿最元和中以新人不出使無以觀能否乃命顓察尚書省號曰六察官開元十九年以監察御史二人莅太倉

左藏庫三院御史皆領繁劇外府推事其後以殿中侍御史上一人為監太倉使第二人為監左藏庫使凡諸使下三院御史內供奉其班居正臺監察御史之上院有計史三十四人令史十人掌固十三人

六典監察御史十人正八品上

蓋取秦監郡御史以名官後周秋官府有司憲

府族下士八人隋煬帝大業八年又置御史百員從九品尋省蓋更卑於監察矣餘同唐志

國朝咸平四年以太常博士張異為監察御史先是三院御史多出外任風憲之職用他官領之遂詔本司自

薦屬官俾正名而舉職也嘉祐四年御史中丞韓絳舉御史而限次任屢舉不應格於是絳請舉裏行從之初以王陶為御史裏行熙寧三年除秀州軍事推官李定權監察御史裏行用選人為御史自定始也知制誥宋敏求當撰詞頭奏御史之官國朝以來其任頗重舊志領太常博士經兩任通判方許奏舉入臺去歲驟用京官今又募職官便升朝著峻處糾繩之地臣竊恐弗循官制之舊而未厭羣議所有詞頭未敢具草又以疾乞解

職詔罷知制誥令送別官令草馬

元祐官品令監察御史從七品

御史雨

唐顏真卿為監察御史充河西隴右軍試覆屯交兵使五原有冤獄久不決真卿至立辨之時

天旱獄決乃雨郡人呼為御史雨

三尺之法與天下共

李素立武德初為監察御史時

有犯法不至死高祖特令殺之素立諫曰三尺之法與天下共之一法動搖則人便棄刑書臣忝法司不敢奉

旨高祖使還稱旨

陸元方為監察御史則天革命使元方安輯嶺外將涉時風濤甚狂舟人

莫敢舉帆元方曰我受命無私神其稱職齊稱少以詞害我遽命濟而風濤果息使還稱旨

姚崇用為監察御史彈劾違監祀舒元興為監察御史犯光於風教當時以為稱職監祀天寶初玄宗祀九宮

壇次郊壇行事御署祝板元輿監祀事以為太重奏曰
臣伏見祀九宮貴神祝板九片陛下親署御名及稱臣
伏以天子之尊除祭太廟之外無合稱臣者父天母
地凡日姊月其貴神九宮為目是宜分方而守其神位
數其名號太一天一招搖軒轅咸池青龍太陰天符攝
提也此九神於天地猶子男也於日月猶侯伯也陛下
為天子豈可反臣於天地之子男邪臣竊以為過縱陰
陽者流言其合祀則合稱皇帝遣某官致祭於九宮之
神不宜稱臣與名臣雖愚瞽未
知其可乞下禮官詳議從之
事長如事端監察院長與同院禮
隔語曰事送楊臨賀不顧犯難徐晦進士及第登直
長如事端送楊臨賀不顧犯難言極諫科授櫟陽尉皆
自楊憑所薦及憑得罪貶臨賀尉交親無敢祖送者獨
晦送至藍田與憑言別時宰相權德輿與晦交分最深
知晦之行因謂晦曰今送臨賀誠為厚矣無乃為累乎
晦曰自布衣受楊公之眷方茲流播爭忍無言而別如

此他日相公為姦邪所譖失意於外晦安得與相公輕別德輿嘉其直遂大稱之於朝不數日御史中丞李夷簡請為監察晦曰平生不踐公門何見獎拔夷簡曰聞君送楊臨賀不顧犯難肯負國乎由是知名 劾來

俊臣五罪

紀履忠在職劾中丞來俊臣五罪一專擅國權二誅害忠良三賊賄貪濁四失禮教五淫

昏狼戾兄弟並居憲府

楊假楊收並遺直之子假自浙西觀察判官入為監察御史收

亦自西川入為監察兄弟並居憲府時為新例

究理詳細

趙洎永泰初為監察御史時禁中失火與

東宮稍近代宗深疑之涓周歷墻園按據迹狀乃上直中官遺火所致也德宗時在東宮常感涓之詳細及刺

衢州年考既深與韓滉不相得滉奏免洎官德宗見其名謂宰臣曰豈非永泰初御史趙洎乎對曰然即拜尚

書左

察長忿其踈縱

柳渾為監察御史性放曠不甚檢束察長忿其踈縱渾不樂乞外任

執政惜其才
奏為左補闕
越次請往案覆
李尚隱景龍中為左臺監

泰評奏桐廬令李師等二石余家稱其妖逆詔御史按
覆諸御史憚昭泰剛愎皆稱病不敢往尚隱歎曰豈可

使良善陷枉刑而不為申明哉遂越
次請往按覆竟推雪李師等免之
卷簾與語張嘉貞

侍御史張循憲為河東採訪事薦嘉貞材堪憲官請以
己之官秩授之則天召見垂簾與之言嘉貞奏曰以臣

草芥而得入謁九重是千載一遇咫尺之間如隔雲霧
竟不親日月恐君臣之道有所未盡則天遂令卷簾與

語大悅擢拜
固請為僧
王守慎有美名垂拱中為監察
監察御史
御史時羅織事起守慎舅侍郎

張知黯推詔獄奏守慎同知其事守慎以疾辭固請為
僧則天初甚怪之守慎陳請詞理甚高則天欣然從之

賜號法成識鑒高雅
明目張膽
韋思謙云大丈夫當正
為時賢所重以壽終

報國恩終不能為碌碌之臣保妻子耳
埋金
郭虔瓘在職舉史獻吏執事

受之埋於幕下及剛正蕭至忠為宰相蘇味道賊污御

去乃移牒收取之史大夫李承嘉嘗召諸御史責

之曰近日彈事不諧大夫禮乎眾不敢對至忠進曰
故事臺中無長官御史人君耳目比肩事主得各自

彈不相關若先白大夫而許彈事如彈大
夫不知白誰也承嘉默然而憚其剛正
奏宗楚客
玢

為監察御史彈奏宰相宗楚客紀處訥等驕恣跋扈請
收勅之舊制大臣有被御史彈者皆俯俛趨出待罪朝

堂楚客瞋目作色稱以忠鯁被誣中宗
令玢與楚客約為兄弟時人竊歎焉
有李勉始知朝廷

尊李勉將監察御史屬朝廷左武勳臣侍寵多不知禮
大將管崇嗣於行在朝堂背闕而坐言笑自若勉勸

之拘於有司肅宗持原之歎切諫盤遊
御史楊虞卿以

帝頻出盤遊上疏切諫疏奏令中使宣付宰臣云虞卿所上議切直可覽後宰臣令狐楚蕭俛段文昌延英奏

事因以納諫為賀

上疏言營建佛像

張廷珪為監察御史則天幸興泰宮欲於白司馬坂

營建佛像廷珪上疏曰佛者以覺知為義因心而成不可以諸相見故經云若以色見我以音聲求我是人行邪道不能見如來以明如來之果不可外求也陛下信心歸依發宏誓願壯其塔廟廣其尊容已遍放天下久矣蓋有住於相而行布施非最上第一之法何以言之經云若人滿三千大千世界之寶以用布施其福甚多若人於此經手受誦讀乃至四句偈等為人演說其福勝彼如佛所說陛下傾四海之財殫萬人之力窮山之木以為塔極治之金以為像雖勞則甚矣費則多矣而所獲福緣不愈於禪房之匹夫沙門之末學受持精進端坐思惟理亦明矣臣竊為陛下小之今陛下廣樹熏修又置精舍則經云菩薩作福不應貪著蓋有為之法

不足高也況以營建事諸土木或開發盤礴峻築基陛
或塞川澗通轉採斫輟壓土蟻動盈巨億豈佛標坐夏
之義愍蠢動而不忍害其生哉又役鬼不可惟人畏營
校計工匠率多貧窶朝驅暮役勞筋苦骨簞食瓢飲晨
炊星飯饑渴所致疾疫交集豈佛標徒行之義愍畜獸
而不忍殘其力哉又營築之資僧尼是稅雖乞勺所致
而貧闕猶多郡縣科斂逼迫星火或誅計靡所或鬻賣
以充怨聲溢路扣氣未洽豈佛標隨喜之義愍愚蒙而
不忍奪其產哉且邊朔未寧軍裝日給天下虛竭海內
勞弊竊惟陛下慎之重之思菩薩之行為利益一切衆
生應如來布施則所謂不住色布施不住聲香味觸法
布施故其福德若東南西北四維上下虛空不可思量
矣何為勤於住相凋蒼生之業崇不急之務乎臣以時
政論之宜先邊境蓄府庫養人才臣以釋教論之則宜
救苦厄戒諸相崇無為伏望陛下察臣之愚行佛之意
務以理為尚不以人廢言幸甚則天從其言即停作

諫造奉天宮

李善感為監察御史裏行永淳初造奉天宮於嵩陽縣又於藍田造萬金宮善感諫

曰自古帝王莫不以登封告成為盛事天皇已封泰山告太平致祥瑞則與三皇五帝比隆矣但數年以來菽粟不稔百姓餓死道路相望四夷交侵日有調發天皇宜恭默思道以禳災譴方更營造宮室勞役不已天下聞之莫不失望臣聞不矜細行終累大德臣忝在御史是國家耳目竊以此為憂帝雖優容之竟不納其奏善感頗涉經學承平日久諫諍殫分路檢察李愷字文絕善感既進諫時人以此稱職

分路檢察

李愷字文

括田戶奏知名之士崔舉逸咸廩業宇文順于獮卿李宙及愷為判官攝監察御史分路檢察以課並遷監察

史有至行

國朝天聖中以太常丞桑愷為監察御

內出

姓名

見殿中侍御史門

真御史

工部侍郎薦張錫為御史言丁謂不當從內地昭應災不當以

罪人京師之人皆曰張御史貌柔而心剛正真御史也貌柔而心剛正上

督軍御史

晉職官志光武建武初征伐四方始權置督軍御史事
竟罷東晉孝武太元六年復置隋煬帝時有監軍御史

符節御史

前漢百官表其治書符璽者有印綬比二百石以上皆
銅印黃綬

漢官儀尚璽四人據史趙堯為符璽御史蓋尚璽者也

晉職官志符節御史秦符璽令之職也漢因之任次御史中丞掌綬節銅武符竹使符及泰始中武帝省併蘭臺置符節御史掌其事焉

防禁御史

晉職官志按魏晉官品令又有防禁御史第七品蘭臺之職也

主簿

六典主簿一人從七品下

漢書張忠為御史大夫署孫寶為主簿魏晉以下無聞隋

大業三年始置御史臺掌印及受事發辰勾檢稽失知

官廚及黃卷

通典大唐置一員掌付事勾稽省署抄目監印給紙筆其俸祿與殿中御史同武德末杜淹為大夫以吏部主事林懷信為之貞觀中自張弘濟為此官之後遂為美職管轄臺中雜務公廨厨庫檢督令史奴婢配勲散官職事每食則執黃卷書其譴罰

推直官推勘官

國朝侍御史殿中侍御史監察御史共六員或關及莅
中外之任則以常參官為推直官內二員為左右巡使
掌期會常參分糾違失及文武常參班簿祿料假告凡
文官違失右巡主之武官違失左巡主之舊以臺史巡
察咸平四年始令左右巡使分其職又有監察使掌祠
祭受誓戒致齋檢視彈紕左右巡監祭之外又有廊下
使入閣監食使監香使掌國忌行香二使臨時充通謂
之五使其推直有四曰臺一推臺二推殿一推殿二推

凡京師外推則左右巡使左臺鞠劾及出則皆推直御史三院闕則他官權充推直官

淳化初嘗置推勘官二十員分讞天下大獄咸平元年以十員為額後罷

三京留司御史臺

唐制自中丞以下元額七員中丞侍御史各一員殿中侍御史二員監察御史三員元和十三年後但以侍御史殿中侍御史監察御史共主留務三院御史亦不常

備焉

國朝西京於分司官內差一員權闕即差官權掌判南
京上令留守通判權掌後北京置臺專差官領今則三
京皆有正官領之大中祥符七年詔西京留守司御史
臺今後行香拜表不以官班高下止以知府兼留守為
首

天禧四年以翰林學士承旨兵部侍郎知制誥晁迥為
主部尚書集賢院學士判西京留司御史臺他官止云

權而迴云判以三品故也

熙寧二年詔三京留司御史臺添權判或管勾官一員

理檢使

國朝淳化三年罷院在宣德門外西北廊鼓院之西令
登聞鼓司進狀人有稱冤濫沈屈者即引送理檢院審
問至三年廢天聖七年置理檢使以御使中丞充鳳匣
為檢匣詔於鼓檢院側近別置理檢院

登聞鼓院

國朝鼓在宣德門南街之西廊院在外門西之北廊舊
曰鼓司景德四年五月改令名凡文武臣僚閣門無例
通進文字者諸色人進狀並先經登聞鼓院除告軍機
密事及論訴在京臣寮即依例實封如進入後審狀有
異同虛妄及夾帶他事並科遣置之罪所論事重依格
勅施行仍令進狀人別寫劄子節畧要切事件連粘於
所進其餘所進文字並先拆開看詳定奪或有原本文字
照證速牒合屬司分取索若事合施行及所進利濟有

可觀採便通進若顯有違礙不可施行即當日內告示
本人知委不識字者許陳白紙據所論事件判院官當
面抄劄詣實口詞仍當日據收接到所進文狀都數逐
件開坐行與不行因依具單狀聞奏若進狀并遇白紙
人稱鼓院看詳不盡情理即許經登聞檢院進狀披訴
仰檢院詳酌事理若鼓院所定不行為當即具不具為
當緣由判押審狀與進狀人收執如鼓院所定不當即
具不當事件併元進狀繳連進呈其收接所進大狀亦

於當日內具都數開坐行與不行因依單狀聞奏其披
訴人即時判審狀給付即許於御史臺陳訴其登聞鼓
院檢院委實行遣不當者方得接駕及繳所判審狀披
訴當付所勘鞠如披訴得實判鼓檢院官必行朝典如
是虛妄本人科上書不實之罪未經鼓院進狀檢院不
得收接未經檢院不得接駕進狀違者依法科罪

判院官二人舊以內臣勾當至道三年改用朝臣而未
有主判之名景德四年始命左正言知制誥周起太常丞

直史館路振同判以內品為監門不得關預公事

監就內侍

二人令史一人

登聞檢院

唐置匭國朝太平興國九年改匭為檢東延恩曰崇仁南招諫曰思諫西申寃曰申明北道玄曰招賢改匭院為登聞院院在宣德門東廊之北景德四年五月改為登聞檢院是月勅如急速文字晝時進入常程文字一例每五日一次於檢內通進天聖七年以上因讀唐史見

匭函達下民冤枉之事乃謂左右曰天下九州之大豈無冤枉之人若至京師檢院鼓院雪者必是州縣官吏提點刑獄轉運使不能理雪又若不為申理則赤子無告矣乃置匭函仍專命御史中丞為理檢使應諸色人陳奇巧法術邪妄干正道事不得上言及常程公事自原缺人來體式令逐出官司并鼓院收接外如有指陳原缺三字事朝政得失大段冤枉累經訴理未獲辨明或事干機密並許詣匭函投進內委是急速文字晝時進入其

餘並每五日於檢內進納如無亦具單狀聞奏如檢院進狀人稱寃濫沈屈者畫時引送理檢使審問

判院官一人舊止舍人兼掌淳化二年始命他官判之

以方嚴見憚

唐孔幾為諫議上疏以事四條陳諷後有李涉投匭上言吐突承璀公忠幾為匭使

覽副狀大怒逐之因上疏苦諫遂貶涉倖臣聞之側目人皆為危之高步公卿以方嚴見憚



職官分紀卷十四